


T9297/110017(16)

16

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940



玉海纂卷之二十

浚儀王應麟伯厚甫輯

長山劉鴻訓青岳甫纂

弟鴻采松臯甫

男孔中藥生甫

吳州後學

鄧漢儀孝威甫

陸舜玄升甫

較閱

食貨

田制

哈佛大學漢和
圖書館珍藏印



古者井田之興必始於唐虞夏商葺治至周
大備因口之衆寡以授田因田之厚薄以制
賦畫溝洫謹步畝嚴版圖經界既定仁政自
成其法自春秋時已壞皆作爰田則賞衆以
田易其疆畔矣魯初稅畝則履其餘畝十取
其一矣用田賦則二猶不足重困農民矣鄭
子駟爲田洫而四族皆喪子產使田有封洫
而謗以伍田疇則溝洫廢矣晉欲使齊封內
盡東其畝而戎車是利則疆理廢矣管仲作

內政楚蔣掩書土田亦頗改周典之舊矣戰
國兵農浸分孟子言王道之始魏惠王以爲
迂滕文公問井地卒莫之行自秦孝公墮經
界開阡陌而兼并僭踰興矣漢承秦舊董仲
舒請限民名田師丹建言限名田言未嘗行
也趙過教民爲代田乃耕田之法非受田之
制下及漢唐風流已遠然其授田有口分世
業皆取之於官其歛民財有租庸調皆計之
於口其後變爲兩稅戶無主客以見居爲簿

人無丁中以貧富為差貧急於售田則田多
稅少富利於避役則田少稅多僥倖一與稅
役皆弊既無振貧之術又許之賣田後魏以
來弊法也唐志謂口分世業之田壞而為兼
并似指以為井田失之遠矣

黃帝丘井法

李靖問對黃帝立丘井之法因以制兵故井分四道
八家處之其形井字開方九焉通典黃帝經土設
井立步制畝使八家為井井開四道而分八宅鑿井

於中

堯墾田

通典堯遭洪水天下分絕使禹平水土別九州冀州

厥田惟中中兗州厥田惟中下青州厥田惟上下徐

州厥田惟上中揚州厥田惟下下荊州厥田惟下中

豫州厥田惟上中梁州厥田惟下上雍州厥田惟上

上九州之地定墾者九百一十萬八千二十頃

禹丘甸法

詩信彼南山維禹甸之甸訓日乘稍人注日箋禹

治而丘甸之六十四井為甸甸方八里居一成之中
成方十里出兵車一乘以為賦法周語先王規方千里以為甸服王
制千里之內為甸正義韓奕箋云禹甸之者決除其災使成
平田定貢賦於天子是以治為義也

殷公田

王制古者公田藉而不稅注藉借也借民力治公田
美惡取於此不稅民之所自治正義夏時民多家得
五十畝而貢殷時民稍稀家得七十畝而助周時民
至稀家得百畝而徹熊氏說夏政寬簡一夫之稅惟

稅五十畝殷政稍急稅七十畝周政極煩皆通稅

周井田

王制正義案大司徒不易之地家百晦一易之地家

二百晦再易之地家三百晦地唯有三等者大司徒

言其大綱其實不易一易再易各為三等則九等也

注云自二人至十人為九等易氏以為此造都鄙之法非授田之法先儒以為鄉遂異制失之矣異

義云通山林藪澤九等言之鄭注小司徒據衍沃平

地言之所以不同異義九等據國中山林至衍沃周

禮九等據授民地肥瘠禹貢九州有上中下九等與

周禮又不同。詩正義曰：雨我公田，民意之先公也。駿發爾私，上意之遜下也。

周禮正義：周時未有牛耦耕。至漢時，搜粟都尉趙過始教民牛耕，絕人耦。或周末兼有牛耦，鄭云：合人耦，則牛耦可知。○山海經：后稷是播百穀，稷之孫曰叔均，是始作牛耕。

漢名田

志：董仲舒說武帝曰：古井田難卒行，宜少近古，限民。

名田以贍不足，塞并兼之路。

注：師古曰：名田，占田也。各為立限，不使富者過。

漢公田

紀：宣帝地節三年冬十月，詔曰：流民還歸者，假公田。

貸種食。

地之不闢，非吾土也。人之不農，非吾民也。乃為閭里。

室家以蕃其生，為叨澮封畛，以理其田。為耒耜錢鎛。

以庀其器，為曆象氣候，以授其時。秦開阡陌，農戰相。

乘。漢制名田，并兼不息。

我疆我理南東其畝疆謂有夫有畛有涂有道有路以經界之理謂有遂有溝有洫有澮有川以疏道之其遂東入於溝則畝南矣其遂南入於溝則畝東矣

屯田

漢文帝募民耕塞下已有屯田之說武帝屯渠犁始有屯田之規成於昭宣廣於魏晉而極盛於唐大抵漢之屯田以兵唐之屯田以民歷代或民或兵蓋不一也

漢屯田

西域傳自武帝初通西域置校尉屯田渠犁師行三

十二年海內虛耗征和中貳師將軍李廣利降匈奴

上既悔遠征伐搜粟都尉桑弘羊與丞相御史奏言

故輪臺以東捷枝渠犁皆故國地廣饒水草有溉田

五千頃以上水經注西至姑墨六百七十里可遣屯

田卒詣故輪臺以東置校尉三人分護各舉圖地形

通溝渠益種五穀張掖酒泉遣騎假司馬為斥候田

一歲有積穀募民壯健者詣田所益墾溉田稍築列

亭連城而西以威西國輔烏孫為便上廼下詔深陳

既往之悔曰輪臺西於車師千餘里今請遠田輪臺
欲起亭隧是擾勞天下非所以優民也由是不復出
軍昭帝乃用桑弘羊前議以杆彌太子賴丹爲校尉
將軍田輪臺輪臺與渠犁地皆相連也地節二年漢
遣侍郎鄭吉校尉司馬熹將免刑罪人田渠犁積穀
欲以攻車師至秋收穀發諸國兵萬餘人自與所將
田士千五百人共擊車師攻交河城破之歸渠犁田
收秋畢復發兵攻車師王於石城車師降漢有詔還
田渠犁及車師益積穀以安西國侵匈奴於是吉始

使吏卒三百人別田車師匈奴遣騎來擊田者吉乃
與校尉盡將渠犁田士千五百人往田匈奴復益遣
騎來漢田卒少不能當保車師城中吉上書言車師
去渠犁千餘里間以河山北近匈奴漢兵在渠犁者
勢不能相救願益田卒公卿議以爲道遠煩費可且
罷車師田者詔遣長羅侯出車師北胡騎引兵去吉
迺得出歸渠犁凡三校尉屯田於是盡徙車師國民
令居渠犁以車師故地與匈奴車師王得近漢田官
是歲元康四年也其後元帝置戊巳校尉屯田居車

師故地前王庭張騫始開西域於是自燉煌西至鹽澤

往往起亭而輪臺渠犁皆有田卒數百人置使者校

尉領護以給使外國者至宣帝時神爵三年鄭吉既為都

護於是徙屯田於北胥鞬披莎車之地屯田校尉

始屬都護

漢金城屯田 留田十二便

趙充國傳元康三年先零與諸羌種豪解仇交質充

國曰宜遣使者行邊兵兩府白遣義渠安國召先零

諸豪三十餘人斬之諸降羌恐怒刼略小種背畔犯

塞是歲神爵元年春也上問誰可將者充國曰無踰

老臣時年七十餘願馳至金城圖上方略充國至金城以

遠斥候為務行必為戰備止必堅營壁持重愛士卒

先計後戰酒泉太守辛武賢奏以七月上旬分兵並

出張掖酒泉合擊罕开在鮮水上者罕开在金城南拜武賢

破羌將軍嘉納其冊充國迺上書陳兵利害曰臣位

至上卿爵為列侯犬馬之齒七十六獨思惟兵利害

至孰悉也於臣之計先誅先零則罕开之屬不煩兵

而服不服涉正月擊之以今進兵不見其利六月戊

申奏七月甲寅璽書報從充國計云後罕开竟不煩
 兵而下其秋上賜書曰急因天時大利吏士銳氣以
 十二月擊先零充國度先零必壞欲罷騎兵屯田以
 待其弊作奏未上會得進兵璽書曰明主可為忠言
 遂上屯田奏曰臣聞兵者所以明德除害也故舉得
 於外則福生於內不可不謹臣所將吏士馬牛食月
 用糧穀歲十九萬九千六百三十斛鹽千六百九十
 三斛芟藁二十五萬二百八十六石難久不解徭役
 不息又恐他夷有不虞之變相因並起為明主憂誠

非素定廟勝之策其羌虜易以計破難用兵碎也臣
 愚以為擊之不便計度臨羌東至浩亶羌虜故田及
 公田民所未墾可二千頃以上其間郵亭多壞敗者
 臣前部士入山伐材木大小六萬餘枚皆在水次願
 罷騎兵留弛刑應募及淮陽汝南步兵與吏士私從
 者合一萬二百八十一人用穀月二萬七千三百六
 十三斛鹽三百八斛分屯要害處冰解漕下繕鄉亭
 浚溝渠治隍陘以西道橋七十所令可至鮮水左右
 田事出賦謂謂班與之人二十晦至四月草生發郡騎及

屬國胡騎伉健各千倅馬什二就草爲田者游兵以
 充入金城郡益積蓄省大費今大司農所轉穀至者
 足支萬人一歲食謹上田處及器用簿惟陛下裁許
 上報曰如將軍之計虜當何時伏誅兵當何時得決
 充國上狀曰臣聞帝王之兵以全取勝是以貴謀而
 賤戰戰而百勝非善之善者也故先爲不可勝以待
 敵之可勝蠻夷習俗殊於禮義之國然其欲避害就
 利愛親戚畏死一也今虜亾其美地薦草愁於寄
 託遠遯骨肉心離人有叛志而明主般師罷兵萬人

留田順天時因地利以待可勝之虜雖未卽伏辜兵
 決可期月而望羌虜瓦解前後降者萬七百餘人及
 受言去者凡七十輩此坐支解羌虜之具也臣謹條
 不出兵留田便宜十二事步兵九校吏士萬人留屯
 以爲武備因田致穀威德並行一也又因排折羌虜
 不得歸肥饒之地貧破其衆以成羌虜相畔之漸二
 也居民得並田作不失農業三也軍馬一月之食度
 支田一歲罷騎兵以省大費四也至春省甲士卒循
 河湟漕穀至臨羌以眎羌虜揚威武傳世折衝之具

五也。以間暇時下所伐材繕治郵亭充入金城六也。兵出乘危徼倖不出令反叛之虜竄於風寒之地離霜露疾疫瘞墮之患坐得必勝之道七也。亾經阻遠追歿傷之害八也。內不損威武之重外不令虜得乘間之勢九也。又亾驚動河南大开小开使生他變之憂十也。治隍陘中道橋令可至鮮水以制西域信威千里從枕席上過師十一也。大費既省繇役豫息以戒不虞十二也。留屯田得十二便出兵失十二利上復賜報曰虜聞兵頗罷且丁壯相聚攻擾田者將何

以止之。充國奏曰今留步士萬人屯田地執平易多高山遠望之便。部曲相保為塹壘木樵枝聯不絕。便兵弩飭鬪具。燹火幸通。執及并力以逸待勞。兵之利者也。臣愚以屯田為內有亾費之利。外有守禦之備。虜見萬人留田為必勝之具。其歸德宜不久矣。虜且必瓦解其處不戰而自破之策也。充國奏上輒下公卿議。臣初是充國計者什三中。什五最後什八有詔詰前言不便者皆頓首服。丞相魏相曰臣愚不習兵事。利害後將軍數畫軍策。其言常是。臣任其計可必

用也。上於是報充國聽其計。上以破羌武強弩許延賢將軍數言當擊。又用充國屯田處離散。恐虜犯之。於是兩從其計。詔兩將軍與中郎將卬出擊。強弩出降四千餘人。破羌斬首二千級。中郎將斬首降者亦二千餘級。而充國所降虜復得五千餘人。詔罷兵獨留充國屯田。二年五月。充國奏羌本五萬人。軍凡斬首七千六百級。降者三萬一千二百人。溺河隍饑餓死者五六千人。定計遺脫與煎鞏黃羝俱亡者不過四千。人請罷屯兵。奏可。充國振旅而還。其秋羌共斬先

零大豪猶非楊玉首及煎鞏黃羝之屬四千餘人降。漢初置金城屬國以處降羌。

張幼學曰歷代之屯亦多矣。魏有司馬懿淮南北

屯開廣漕渠且田且守。晉有杜預襄陽屯引漕消

水以浸原田。有荀美石鼈屯起田東陽公私交利。

齊有桓崇祖芍陂屯。灌田萬頃。平矜賊寇。隋有趙

仲卿長城以北屯立堡營田以實塞下。唐有竇靜

太原屯。歲收數千。邊用饒給。有張公謹代州屯。長

省餽運不勞民力。有姜師度營州屯。灌通靈陂。廣

收弃地有郭元振甘州屯利盡水陸比歲大登有
王峻桂州屯罷戍卒餉沿江墾畝有朱自勉嘉禾
屯日雨日霽以溝為天有婁師德豐州屯身衣皮
袴率士屯田有劉昌北庭屯軍有美食邊障安寧
有韓重華振武屯出罪賊吏使償所負有高承簡
鄆城屯多列防庸無復水敗有楊元卿涇原屯屯
築高垣寇不敢犯宋有陳恕河北屯作為方田以
限戎馬有景望襄唐屯歲借人牛收入甚廣有張
浚江淮屯出戶帖錢置庄給牛而漢屯為始漢有

鄭吉渠犁屯免刑罪人屯田禦寇有陳湯車師屯
發戊巳卒往破質支有伊循屯依鄯善請遣將遠
鎮有馮奉世隴西屯因羌破散留備要害有杜茂
廣武屯嚴築亭候驢車轉運有梁統金城屯開導
水田勸以耕牧有竇憲伊吾屯既破呼衍留兵戍
牧有鄧訓護羌屯出塞掩擊還修塢壁有曹鳳金
城屯隔塞羌胡殖穀富邊有虞詡湟中屯招撫流
亾省內郡費有棗祗許下屯倉廩皆滿兼并羣雄
有劉馥合肥之屯單馬入城興治陂田有諸葛亮

五海集 卷之二十一
渭濱屯分兵屯田百姓安堵而以金城屯爲詳

隆興營田十說

隆興元年五月十七日丁未臣僚言營田十說一日
擇官必審魏武用任峻司馬懿用鄧艾是也二日募
人必廣趙充國留萬二千八百八十一人李彪請取戶十
分之一是也三日穿渠必深充國浚漕渠鄧艾開河
渠是也四日鄉亭必修充國繕鄉亭是也五日器用
必備充國上器用薄是也六日田處必利漢屯張掖
魏屯許昌是也七日食用必充充國屯田用穀月二

萬七千餘斛是也八日耕具必足李彪請以雜物市
牛唐開元二十五年一項五十畝配一牛是也九日
定稅必輕晉應詹上表一年與百姓二年分稅李彪
上表一夫之田歲責六十斛蠲其雜役是也十日賞
罰必行晉元帝督課長吏以穀多少爲殿最齊武成
河清中詔營屯田歲終課所入以論褒貶是也凡此
十者營田之制盡矣

附錄

求遂氏治野之法修稻人稼澤之政芟以殄草剔以

三法纂 卷之二十一
除木風以布種土以附根頒其法也冬耕春種夏耘
秋獲朝循夕課日考旬會趨其時也勤者勞之惰者
勉之合耦助之移田救之宜其力也下稽功事達之
於上上制祿食復之於下叙其勞也

職田

殷圭田

記王制夫圭田無征注圭田不稅以厚賢也正義徹
內無公田故有圭田圭潔白也卿大夫德行潔白乃
與之田此殷禮也殷政寬重賢故不稅周則通士稅

之故曰士田任近郊之地稅什一

農官

農家者流出於農稷之官播百穀勸耕桑以
足衣食故八政一曰食二曰貨孔子曰所重
民食周官冢宰以九職任萬民其一曰三農
生九穀司稼巡邦野之稼而辨種稔之種周
知其名與其所宜地而懸於邑閭是也及鄙
者爲之欲使君臣並耕諄上下之序

少皞九農正

春秋正義賈逵云春扈分循相五土之宜趨民耕種
 夏扈竊元趨民耘苗秋扈竊藍趨民收歛冬扈竊黃
 趨民益藏棘扈竊丹為果驅鳥行扈喑喑畫為民驅
 鳥宵扈嘖嘖夜為農驅獸桑扈竊脂為蠶驅雀老扈
 鷄鷄趣民收麥令不得晏起舍人樊光注爾雅其言
 亦同謂以扈為官還令
 依此扈而動作也其言不經其據杜云以
 九扈為九農之號各隨其宜以教民事
 在七星南農正也

堯農師

史周紀棄為兒時其遊戲好種殖麻菽及為成人遂

好勸農相地之宜宜五穀者稼穡焉民皆法則之堯
 聞之舉為農師天下得其利

周田峻

詩七月三之日于耜四之日舉趾同我婦子饁彼南

畝田峻至喜○呂氏春秋季冬紀命司農計耦耕事

修耒耜具田器○漢志后稷封釐公劉處豳大王徙

郊文王作鄴武王治鎬其民有先王遺風好稼穡務

本業故豳詩言農桑衣食之本甚備

漢田官

都尉

田官

田官

鹽鐵論大夫曰北邊置田官以贍諸用○匈奴傳漢遣大將軍青驃騎將軍去病擊匈奴匈奴遠遁幕南無王庭漢度河自朔方以西至今居往往通渠置田官吏卒五六萬人稍蠶食地接匈奴以北○西域傳宣帝置都護匈奴益弱不得近西域於是徙屯田於胥鞬披沙車之地屯田校尉始屬都護

漢力田常員

紀惠帝四年正月舉民孝悌力田者復其身高后元年初置孝悌力田二千石者一人文帝十二年三月

詔置三老孝悌力田常員成帝陽朔四年正月詔曰先帝劭農薄其租稅寵其強力令與孝悌同科其令二千石勉勸農桑出入阡陌致勞來之

漢穀石五錢 唐米斗三錢

宣紀元康四年比年豐穀石五錢○唐食貨志貞觀四年米斗四五錢天寶三載是時海內富實米斗之價錢十三青齊間斗纔三錢○舊紀麟德二年是歲大稔米斗五錢牟麥不列市

漢大有年

後漢紀永平九年是歲大有年十二年是歲天下安

平人無徭役歲比登稔百姓富庶粟斛三十牛羊被

野永平二年始迎氣五郊三年春詔有司勸農桑四年親耕五年作常滿倉

魏典農都尉

司馬芝傳武帝開屯田之官專以農桑為業建安中

倉廩充實百姓殷足魏志注漢陶謙表陳登為典

農校尉盡鑿溉之利秔稻豐積

農書

神農田法

詩甫田以御田祖注先嗇也疏神農始造田法典田

大夫以其法教民始教造田謂之田祖先為稼穡謂

之先嗇神其農業謂之神農名殊而實同也郊特

牲注先嗇若神農司嗇若后稷管子神農作植五

穀淇山之陽九州之民乃知穀食揆度篇神農之數

曰一穀不登減一穀穀之法十倍

周南晦圖

禮遂人凡治野夫間有遂遂上有徑十夫有溝溝上

有畛百夫有洫洫上有涂千夫有澮澮上有道萬夫

有川川上有路以達于畿注十夫二隣之田百夫一
鄴之田千夫二鄰之田萬夫四縣之田遂溝洫澮皆
所以通水於川也遂廣深各二尺溝倍之洫倍溝澮
廣二尋深二仞徑畛涂道路皆所以通車徒於國都
也徑容牛馬畛容大車涂容乘車一軌道容二軌路
容三軌萬夫者方三十三里少半里九而方一同以
南畛圖之則遂從溝橫洫從澮橫九澮而川周其外
焉正義案詩今適南晦又東南其晦故以南晦圖之
○匠人為溝洫九夫為井井間有溝十里為成成間

有洫百里為同同間有澮注此畿內采地之制采地
井田

異於鄉遂
及公邑

漢議賑貸

帝紀文帝元年三月詔春和議所以賑貸之後六年

夏四月大旱蝗發倉庾以振民武帝元狩三年秋遣

謁者勸有水災郡種宿麥舉吏民假貸貧民者以名

聞六年六月詔遣博士大等六人循行天下存問鰥

寡無以自振業者貸與之元鼎二年夏大水九月遣

博士中等分循行吏民有振救饑民免其厄者其舉

以聞昭帝始元二年三月遣使振貸貧民無種食者
 八月詔所振貸種食勿收責元鳳三年正月詔三年
 以前所振貸勿收責宣帝本始四年正月詔歲不登
 已遣使者振貸困乏丞相以下至都官令丞入穀入
 長安倉助貸地節元年三月假郡國貧民田三年三
 月詔前下詔假公田貸種食毋令失職十月詔池籟
 未御幸者假與貧民流民還歸者假公田貸種食初
 元元年三月丙午以三輔公田及苑可省者振業貧
 民賞不滿千錢者賦貸種食六月省苑馬以振困乏

二年三月詔苑囿池籟假與貧民七月詔民有菜色
 已詔吏虛倉廩開府庫振救賜寒者衣永光元年三
 月詔假田貸種食四年二月詔所貸貧民勿收責建
 昭四年四月遣諫議大夫博士賞等二十一人循行
 存問乏困成帝建始三年三月赦所振貸勿收河平
 四年正月同上三月癸丑朔遣光祿大夫博士嘉等
 十一人行舉瀕河之郡水所毀傷困乏不能自存者
 財振貸鴻嘉元年二月詔逋貸未入者勿收四年秋
 河溢被災者振貸之永始二年二月乙酉晦詔所振

貸勿收

漢汜勝之書 農書

藝文志農九家神農二十篇野老十七篇

六國時在齊楚間

宰氏十七篇董安國十六篇尹都尉十四篇趙氏五

篇汜勝之十八篇

成帝時為議郎劉向別錄云使教田三輔有好田者師之徒為御史

汜音凡又

王氏六篇蔡癸一篇

宣帝時以言便九家音敷劍反

百一十四篇

○月令注

農書曰土上冒慳陳根可拔

耕者急發

正義

鄭所引農書先師以為汜勝之書也

○禮草人

掌土化之法以物相地宜而為之種駢剛

赤緹墳壤渴澤鹹瀉勃壤埴墟疆藥輕熨注化之使

美若汜勝之術也○王元長策秀才文杏花菖葉耕

獲不愆注汜勝之書曰神農之教無粟者弗能守也

又曰杏始華榮輒耕輕土弱土望杏花落復耕之輒

蘭之此謂一耕而五獲○杏花如何可耕白沙○太

平御覽汜勝之奏曰昔湯有旱災伊尹為區田教民

糞種負水澆稼收至畝百石勝之試為之收至畝四

十石御覽又引汜勝之書曰種桑法桑至春生一畝

食三簿蠶又曰三月榆莢雨時高地強土可種禾

志預上疏曰陂多則土薄水淺潦不下濶宜修繕陂
場以積水

咸平國田圖

張去華所著元元論大旨以養民務穡為急真宗嘉
之以縑素寫之為十八軸列置龍圖閣之四壁

明道土牛經

實錄景祐元年十月己巳頒諸州軍土牛經前詔曰
官取舊文刪校重復為四篇知制誥丁度撰序而印

行之其牛色及策人衣並以歲月支干納音相配

後漢禮儀志季冬立土牛六頭於國都郡縣城外丑

地以送大寒立春之日百官衣青衣立青幡施土牛

耕人於門外以示兆民○東晉勸農賦青旛禁游惰

紹興耕織圖

紹興中於潛令樓璿畫耕織二圖四十五事為五言

詩四十五章高宗召對以進呈宣示後宮嘉定中樓

鑰以是圖上東宮

農器

天田九星在牛宿南天子畿內之田也亦主農器

漢田器

列傳晁錯言勸農力本曰為室廬具田器○龔遂至

渤海敕屬縣持鉏鉤田器者皆為良民

淳化踏犁式

實錄淳化五年三月癸亥內出踏犁數千分給宋亳人戶先是太子中允武允成獻踏犁一具不用牛以人力運之至是上以宋亳間牛多歿求得此制令尚

方工官造成數千具先遣直史館陳堯叟齋於宋州

大起冶鑄以給與貧民先是借民錢於江淮間市牛

未至上以時雨沾足恐耕墾失時也參政蘇易簡曰

昔長沮桀溺耦而耕此其遺象也按耦耕以雙耜並

耕耳非踏犁之制也一本以陳頴宋亳民無牛者多

自挽犁而耕二月乙卯合直史館陳堯叟齋踏犁數

千具往宋州委本處鑄造以賜民戶先是武允成嘗

制猶存命景德二年正月戊寅內出踏犁式付河北

轉運使令詢訪民間可用則官造給之河朔戍寇之

後耕具頗闕淮楚間民用踏犁凡四五人力可比牛
一具自尚方造樣二月甲午以河朔民乏農器除鐵渡河之禁

貢賦

賦出於田。自上稅下。貢出於土。從下獻上。

堯制賦

詩甫田正義禹貢云五百里甸服云云注云甸服者
堯制賦其田使入穀禹弼其外百里者賦入總謂入
刈禾也。二百里銍斷去藁也。三百里秸又去穎也。四
百里入粟五百里入米者遠彌輕也。甸服之制本自

納總禹為之差使百里者從之耳

禹九州貢法

書禹別九州任土作貢注禹制九州貢法此堯時事

功冀州既載注堯所都也先施貢賦役載於書疏此

差于厥賦惟上上錯疏上上第一也交錯間雜之濟

河惟兗州厥貢漆絲厥篚織文注此地宜漆林又宜蠶

絲中琴瑟之絃織貝織如貝文漢世陳海岱惟青州疏麋

厥貢鹽絺海物惟錯岱畎絲枲注此州入穀不貢

海岱及淮惟徐州厥貢惟土五色羽畎夏翟注此州入穀不貢

桐泗濱浮磬淮夷蠙珠暨魚厥篚玄纈縞淮海惟揚

州厥貢惟金三品注金銀瑤琨篠簜齒革羽毛惟木

厥篚織貝厥包橘柚錫貢注錫命乃荆及衡陽惟荆

州厥貢羽毛齒革惟金三品柶榘楛栢礪砥斿丹三

邦底貢厥名惟箇箛篚楛包匭菁茅注齊責楚厥篚玄

纁璣組九江納錫大龜注龜不常用之荆河惟豫州厥

貢漆京絺紵厥篚織纊錫貢磬錯華陽黑水惟梁州

厥貢璆鐵銀鏞磬熊羆狐狸織皮黑水西河惟雍

州厥貢惟球琳琅玕梁雍有貢無篚以其地不宜也

豫錯上中梁下中三錯惟出正賦底慎財賦成則三

而無雜賦者五州充青徐荆雍賦法王氏曰土賦有及於四夷田賦止

壤成賦中邦賦法王氏曰土賦有及於四夷田賦止

於中邦賦法王氏曰土賦有及於四夷田賦止

而也賦法王氏曰土賦有及於四夷田賦止

三百里納秸服四百里粟五百里米又曰賦謂稅

穀以供天子因九州差為九等稅俱什一而為九等

者人功有強弱收穫有多少傳以荆州田第八賦第

三為人功修雍州田第一賦第六為人功少鄭玄云

貢者百工之府受而藏之其實於篚者入於女功故

之穀市其土地所生異物獻其所有謂之厥貢亦有
 不用賦物直隨地所有採取以為貢者又曰五服堯
 之舊制洪水平之後禹為節文使賦役有常甸服去
 京師最近賦稅尤多每於百里即為一節侯服稍遠
 近者供役二百里內各為一節三百里外共為一節
 綏要荒三服去京師益遠每服分為二內三百里為
 一節外二百里為一節甸服入穀故首言賦稅侯服
 以外貢不入穀
 占者上下相親上之於下則曰駿發爾私終三十里

惟恐民食之不給下之於上則曰雨我公田遂及我
 私惟恐公田之不善故助法行而頌聲作矣

周九貢 九賦

禮天官大宰八則五日賦貢以馭其用法貢九職之功所稅于

實云賦上所以求下貢下所以納上以九職任萬民曰三農生九穀園

圃毓草木虞衡作山澤之材數牧養蕃鳥獸百工飭

化八材商賈阜通貨助嬪婦化治絲枲臣妾聚斂疏

材間民無常職轉移執事以九賦斂財賄注財泉穀也元謂賦

口率出泉今之筭泉民一邦中郭在城二四郊去國三

邦甸二百里四家稍三百里五邦縣四百里六邦都五百里

七關市八山澤九幣餘皆末作九賦歛於太宰二於

掌其入司會總其會計司書敘其財幣以九貢致邦

職內辨其物職歲攷其數職幣歛其餘以九貢致邦

國之用禹貢可見一祀貢之屬即浮磬菁茅二嬪貢

皮帛類元曰絛三器貢宗廟之器元謂銀鐵石四幣

帛即絛帛元謂玉馬皮五材貢篠簜即松栢篠簜六貨

貢珠貝自然之物元謂金七服貢祭服元謂絺紵八

旉羽毛元謂燕好珠九物貢九州之外各以所貴

旉玳瑁元謂燕好珠九物貢九州之外各以所貴

八成聽政役以比居賦注政太府掌九貢九賦九功

之貳以受其貨賄之入九功謂關市之賦以待王之

膳服邦中之賦以待賓客四郊之賦以待稍秣家削

之賦以待匪頒邦甸之賦以待工事邦縣之賦以待

幣帛邦都之賦以待祭祀山澤之賦以待喪紀幣餘

之賦以待賜予凡邦國之貢以待弔用凡萬民之貢

以充府庫式貢之餘財以充玩好之用

周禮稅法

載師注周稅輕近而重遠近者多役也疏異義第五

田稅今春稅公羊說十一而稅周禮國中園廛之賦二十而稅一近郊十而稅一遠郊二十而稅三有國旅之歲一井九夫百晦之賦出禾二百四十斛芻秉二百四十六釜米十六斗案公羊十一稅遠近無差漢制收租田有上中下與周禮同義

甫田正義食貨志云井方一里是九夫八家共之各受私田百畝公田十畝是爲八百八十畝餘二十畝爲廬舍其言取孟子爲說而失其本旨班固既有此言由是羣儒遂謬何休之注公羊范甯之解穀梁趙

岐之注孟子宋均之說樂緯咸以爲然皆義異於鄭理不可通何則言井九百畝其中爲公田則中央百畝共爲公田不得家取十畝也八家皆私百畝則百畝皆屬公矣何得復以二十畝爲廬舍也言同養公田是八家共理公事何得家分十畝自治之也爲廬舍則家別二畝半亦入私矣則家別私有百二畝半何得爲八家皆私百畝也此皆諸儒之謬鄭於匠人注云野九夫而稅一此箋云井稅一夫其田百畝歲取爲稅歛之言十千卽期限之數參之於司馬之書

校之於一成之稅其數正允箋云歲取十千於井田之法則一成之數也○
通十為成成方十里成稅百夫其田萬畝

漢田租

帝紀高帝元年四月留蕭何收巴蜀租給軍糧食一

年二月癸未蜀漢民給軍事勞苦復勿租稅二歲復

除其賦役也十一年冬諸縣堅守者復租三歲○惠帝高

十二年即位五月丙寅減田租復十五稅一鄧展曰漢家初

十五稅一中間廢今復之○文帝二年九月詔賜天下民今年田

租之半三年復晉陽中都民三歲租十二年三月詔

賜農民今年租稅之半十三年六月詔曰農墜身從

事而有租稅之賦本末無以異其除田之租稅李奇曰官

農與賈俱出租無異故除田租○景帝元年五月令田半租○武帝

元封元年除四縣民田租四年賜汾陰等三縣無出

今年租賦五年四月赦天下所幸縣無出今年租賦

○昭帝始元二年詔毋令民出今年田租○宣帝本

始五年五月鳳凰集赦天下租稅勿收四年四月壬

寅地震勿收租賦大赦神爵元年詔所過無出今年

田租甘露三年二月詔毋出今年租○元帝初元元

年夏四月詔曰關東今年穀不登毋出田租○成帝
建始元年十二月郡國被災什四以上毋收田租
食貨志高祖約法省禁輕田租十五而稅一量吏祿
度官用以賦於民文帝時晁錯說上曰使天下人人
粟於邊以受爵免罪邊食足支五歲可令入粟郡縣
足支一歲以上可時赦勿收農民租上從其言迺下
詔賜民十二年租稅之半明年遂除田之租稅後十
三年孝景二年令民半出田租三十而稅一

唐平賦書

文粹李翱平賦書序云人皆知重歛之可以得財不
知輕歛之得財愈多取可行於當時者爲平賦書而
什一之法存焉凡爲天下者○眡千里之都○爲千里之
都者○眡百里之州○爲百里之州者○起於百里之田○
易之小畜德之小也○則曰富以其鄰○泰與謙道之大
也○皆曰不富以其鄰○剝始於下其象曰上以厚下
安宅所以救剝也

錢幣

太玄經曰古者寶龜而貨貝

自虞後世君子

易之以金幣自夏以下通典曰夏商以前幣為三

品太公立九府圜法周景以母子相權秦為

上下二等漢為八銖莢錢白金赤仄八銖五

分王莽又為數十品公孫述始作鐵錢魏文

毅帛相質劉備以一當百孫權以一當千理

道陵夷有鵝眼綫環之別王綱解紐有風飄

水浮之異

虞夏三品幣

通典自神農列鄜於國以聚貨帛日中為市以交有

無虞夏商之幣史無商字金為三品或黃或白或赤或錢

或刀或布或龜貝後魏任城王澄傳言夏殷之政

九州貢金以定五品周仍其舊列星圖天錢十星

在北落西

禹湯金幣

管子山權數篇輕重湯以莊山之金鑄幣禹以歷山

之金鑄幣而贖民之無擅賣子者地數篇出銅之山

四百六十七鹽鐵論大夫曰禹以歷山之金湯以

嚴山之銅鑄幣天下稱仁

周上中下幣 武王國策

管子地數篇十輕重威公問曰以天財地利立功成名

於天下者誰子也管子曰文武是也夫玉起於禺氏

金起於汝漢珠起於赤野此皆距周七千八百里其

涂遠而至難故先王各用於其重珠玉為上幣黃金

為中幣刀布為下幣令疾則黃金重令徐則黃金輕

先王權度其號令之徐疾高下其中幣而制上下之

用則文武是也○輕重一篇武王問於癸度癸度對

曰吾國衢處之國也苟入吾國之粟因吾國之幣然

後載黃金而出故君請重重而衡輕輕運物而相因

則國策可成武王曰行事奈何癸度曰金出於汝漢

之右衢珠出於赤野之末光玉出於禺氏之旁山因

以珠玉為上幣

周九府圖法

漢志太公為周立九府圖法黃金方寸重一斤錢圓

內方荀悅曰外輕重以銖布帛廣二尺二寸為幅長

四丈為疋故貨寶於金利於刀流於泉布於布束於

帛太公退又行之於齊注師古曰太府玉府內府外

王漢纂 卷之二十一
府泉府天府職內職金職幣曰九府圜調均而通也

周泉府

禮天官外府中士掌邦布之入出以共百物而待邦

之用注布泉也其藏曰泉其行曰布泉始蓋一品周

景王鑄大泉而有二品後數變易不復識本制至漢

唯有五銖久行王莽作泉布多至十品疏泉始蓋一

品者即此經泉布是也莽之大泉與景王所鑄大泉

亦異韋昭注國語曰單穆公云古者有母權子而行則二品之來古而然矣

鹽鐵論錯幣第四大夫曰教與俗改幣與世易夏后

以元貝周人以紫石後世或金錢刀布

周大錢寶貨

漢食貨志景王患錢輕將更鑄大錢古曰泉後單穆

公曰不可古者天降災戾於是量資幣權輕重以救

民患輕則為之作重幣以行之重曰母於是

子而行民皆得焉若不堪重則多作輕而行之亦不

廢重於是乎有子權母而行大小利之今王廢輕而

作重民失其資能無匱乎民若匱王將用有所乏乏

將厚取於民民不給將有遠志是離民也且絕民用

以實王府猶塞川源而為潢洿也竭亾日矣王其圖之弗聽鑄大錢文曰寶貨肉好皆有周郭以勸農澹不足百姓蒙利

楚三錢府

史記越世家楚王赦常封三錢之府注金幣三等也孫叔敖傳莊王以為幣輕更以小為大百姓不便皆去其業市令言之相後五日朝相言之王請復如故王許之下令三日而市復如故

漢筴錢

食貨志秦兼天下

始皇二十六年幣為二等黃金以溢為名

上幣

注孟康曰二十兩為溢師古曰改周一斤之制高祖初賜張良金百溢此尚秦制也上幣曰二

等之中黃金為銅錢質如周錢二分重十二銖文曰

上而錢為下也半兩重如其文而珠玉龜貝銀錫之屬為器飾寶藏

不為幣然名隨時而輕重無常漢興以為秦錢重難

用更令民鑄筴錢注如淳曰如榆筴通典云文黃

金一斤注復周孝文五年為錢益多而輕乃更鑄四

銖錢其文為半兩除盜鑄錢令使民放鑄賈誼諫曰

銅布於天下其為禍博矣今博禍可除而七福可致

也。見新書。黥罪不積一矣。偽錢不蕃。民不相疑二矣。

采銅鑄作者。反於耕田三矣。上挾銅積以御輕重貨。

物必平四矣。作兵器假貴。臣多少有制五矣。臨萬貨。

調盈虛收奇羨六矣。制吾棄財與匈奴逐爭其民七。

矣。退七福行博禍。臣誠傷之上不聽。是時吳即山鑄。

錢富埒天子。鄧通鑄錢財過王者。故吳鄧錢布天下。

漢五銖錢

後公孫述傳述廢銅錢置鐵官錢。置鐵官童謠曰黃。

牛白腹五銖當復。

漢少府禁錢

百官表少府注。應劭曰。名曰禁錢。以給私養。白別為。

藏。賈捐之傳。議棄珠崖。竊以往者。羌軍言之。暴師。

曾未一年。兵出不踰千里。費四十餘萬。大司農錢盡。

廼以少府禁錢續之。食貨志。武帝時。胡降者數萬。

人。皆得厚賞。縣官不給。天子乃損膳。解乘輿。駟出御。

府禁藏以贍之。

漢水衡錢

王嘉傳。奏封事曰。元帝溫恭少欲。都內錢四十萬萬。

水衡錢四十五萬萬少府錢十八萬萬常幸上林獸
圈猛獸出馮貴人前當之賜錢五萬賞賜節約是時
外戚資千萬者少故少府水衡見錢多也注應劭曰
水衡與少府皆天子私藏

漢銅官

山海經禹曰天下名山五千三百七十出銅之山四
百六十出鐵之山三千六百九十管子地之東西二
萬六千里其出水者八千里受水者八千里南北二
銅之山四百六十七出鐵之山三千六百九
鐵官長丞五十有一而專其官以主丹陽之銅唐諸

道置鑪九十有九而重其使以總江淮之鐵淮陽荆

厥貢三品會稽具
區之珍其利金錫

唐乾封泉寶

陸贄奏議謂宜廣卽山殖貨之功峻用銅為器之禁

制將得所則錢不乏矣

唐錢譜

錢輕重得中五銖漢開元唐

錢重赤仄漢一比輪晉大泉
王莽一直五十又吳

大貨六銖陳一當五四柱梁一准二兩柱梁末布泉

後周、一當五大布後周、五行大布、一當十永通萬國後周、一當千當兩宋

乾封唐高宗、一當十、建中初、當十唐永通○八銖漢

乾元肅宗、一當十重輪乾元一當十直百蜀當千吳得

一史思明當百

錢輕榆莢三銖漢風飄水浮魏鵝眼 綈環 耒子

苻葉宋二銖 沈郎晉四分

用漢武帝之皮幣參唐憲宗之飛錢通物之變扶時

之偏

鹽鐵

茶法

呂成公曰洪範五行一曰水水曰潤下作鹹

此鹽之根原品目甚多世所共知者如青州

出東井幽薊北海嶺南南海皆出於海劍南

西川出於井河東出於池鹽之尤著者河北

鹵地出於地者永康軍崖鹽為出於山又有

出石木大抵生民日用不可一日闕所以天

地間無處不有自禹貢青州貢鹽絺此海鹽

之見於經三代鹽雖入貢與民共之未嘗有

禁自管仲相威公始興策奪民利自後鹽禁

方開漢興除山澤之禁武帝時孔僅桑弘羊
祖管仲之法始禁權昭帝召賢良文學論民
疾苦請罷鹽鐵弘羊論難不能廢元帝雖暫
罷而復建此後法雖有寬有急然禁權與古
今相為終始以此知天下利源不可開一開
不可塞○胡致堂曰鹽為天地自然之利盡
捐之民則縱末作資游惰盡屬之官則奪民
日用公室有近寶之害官為厲禁俾民取之
而裁入其稅則政平害息

禹鹽鐵

書禹貢青州貢鹽絺梁州貢鏐鐵○**廣韻注**古者宿
沙初作煮海為鹽

周鹽人

禮鹽人奄三掌鹽之政令以共百事之鹽祭祀共其
苦鹽散鹽賓客共形鹽王之饌羞共飴鹽

周安邑鹽池

山海經景山南鹽販之澤郭景純曰卽解縣鹽池也
谷口嶺上有巫咸祠其水又逕安邑故城南又西流

注于鹽池地理志曰鹽池在安邑西南許謹謂之鹽
 監長五十一里廣六里周一百一十四里宿沙煮海
 謂之鹽河東鹽池謂之鹽今池水東西七十里南北
 十七里紫色澄渟渾而不流水出石鹽自然印成朝
 取夕復終無減損唯暴雨則耗公私共場水徑防其
 濫濫謂之塌水故山海經謂之鹽販之澤○朔方按
 地理志云鹽澤在縣南魏土地記曰縣有大鹽池其
 鹽大而青白名曰青鹽又名戎鹽○左傳郇瑕氏之
 地沃饒近鹽注猗氏縣鹽池韓獻子曰山澤林監國

之寶也近寶公室乃貧○柳子晉問猗氏之鹽晉寶
 之大也決源醜流脉寫膏浸神液陰漉甘鹵密起
 靈富媪不愛其美迴眸一瞬積雪百里鍛圭椎壁印
 纍珠剖家獲作鹽之利人被六氣之用其賚天下也
 與海分功

齊鹽莢

管子海王篇海王之國謹正鹽莢十口之家十人食
 鹽百口之家百人食鹽終月大男食鹽五升少半
 猶劣大女食鹽三升少半吾子食鹽二升少半
 薄也

男小此其大曆也。禹筭之商禹讀為偶日二百萬有二國

之籍者六千萬注鹽官之利當一國而三萬人故能有二國

之籍者六千萬人鐵官之數曰一女必有一鍼一刃耕者必

有一耒一耜一鉞行服連軺輦者必有一斤一鋸一

錐一鑿。鍼之重加一三十鍼一人之籍。刀之重加六

五六三十五刀一人之籍。耜鐵之重加七三耜鐵一

人之籍注一女之籍三十鍼五刀一農之舉臂勝事

無不服籍者。威公曰國無山海不王乎。管子曰因人

之山海假之名地數篇出銅之山四百六十○輕重

篇齊有渠展之鹽請君伐菹薪煮水為鹽征而積之

十月至正月成三萬六千鍾下令曰孟春農事起無

得煮鹽此則坐長十倍桓公糶之得成金萬一千餘

斤

漢貨殖傳猗頓用鹽鹽池也起郭縱以鑄冶成業蜀

卓氏用鐵冶富程鄭亦冶鑄羅裒擅鹽井之利期年

所得倍宛孔氏用鐵冶為業大鼓鑄魯丙氏以鐵冶

起刁間逐魚鹽之利凡名氏見于貨殖傳四十人力

田務本以其道而富者宣曲任氏而已

漢鹽鐵論

本議第一曰惟始元六年有詔使丞相御史與所舉賢良文學問民疾苦文學對曰抑末利開仁義御史大夫桑弘羊難以爲安邊足用之本罷之不便文學曰有山海之貨而民不足於財者不務民用而滯巧衆是開利孔爲民罪梯也大夫曰古者名山大澤不以封爲下之專利也豪民欲擅山海以致富業故沮事者衆文學曰所謂抱小利而忘大利大夫曰明主憂勞萬人思念北邊故舉賢良文學高第將欲觀殊

議異策諸生無能出奇詐徒守空言不知取舍之宜時世之變文學曰諸生對策殊路同歸指在於崇禮義退財利復往古之道正當世之失執事闇於明禮而喻於利末以故未決丞相史曰辯國家之政事論執政之得失何至切切如此乎賢良文學曰諸生之諤諤乃公卿之良藥鍼石也大夫曰異時鹽鐵未籠布衣有胸邴人君有吳王專山澤之饒私威積而逆節之心作文學曰王者不蓄聚下藏於民遠浮利務民之義故權利深者不在山海在朝廷一家害百家

在蕭墻不在胸文帝時無鹽鐵之利而民富今有

治鐵煮鹽吳王擅鄣海澤鄧通專西山丞相曰先王之道軼久而難復

賢良文學之言深遠而難行非當世之所能及也遂

罷議請且罷郡國權酤關內鐵官奏可

雜論曰汝南朱子伯言當時豪俊輻湊賢良茂陵唐

生文學魯萬生之倫六十餘人云云然蔽於雲霧終

廢而不行公卿知任武可以辟地不知德廣可以致

遠知權利可以廣用不知稼穡可以富國也

漢鹽池 鹽井

平當傳使行流民幽州舉奏吏二千石勞徠有意者

言渤海鹽池可且勿禁以救民急

四素居士曰此法不妨間行

唐稅茶法

正元八年以水災減稅明年諸道鹽鐵使張滂奏出

茶州縣若山及商人要路以三等定估十稅其一歲

得錢四十萬緡茶稅自然水旱未嘗拯之也○十年

陸贄請以稅茶錢署義倉云歲約得五十萬貫勅令

貯戶部救饑凶

王澐集 卷之二十一 四
穆宗卽位王播增天下茶稅率百錢增五十右拾遺
李珣諫其後王涯判二使徙民茶樹於官場焚其舊
積天下大怨令狐楚代爲鹽鐵使復令納權加價而
已李石爲相以茶稅歸鹽鐵復正元之制武宗卽位
崔珙又增江淮茶稅諸道置邸收稅謂之塌地錢私
販益起大中初鹽鐵轉運使裴休著條約天下稅茶
增倍正元江淮茶爲大摸一斤至五十兩鹽鐵使于
儆每斤增稅錢五謂之剩茶錢

乾德權茶

乾德五年初權江淮湖浙福建路茶蓋禁南商擅有
中州之利故置場以買之自江以北皆爲禁地興國
中樊若水奏江南諸州茶官市十分之八其二分量
稅聽自賣踰江涉淮乘時射利望嚴禁之謂乾德權
法也白若水建議其法始密凡茶之利一則官賣以
實州縣一則沿邊入中糧草算請以省餽運一則權
務入納金銀錢帛算請以贍京師而河東北互市川
陝折博又以所有易所無而其大者最在邊備蓋祖
宗以西北宿兵供億之費重困民力故以茶引走商

三才圖會 卷之二十一
賈而虛估加擡以利之其後理財之臣以遺利在民
數務更張然大槩無過李諮林特二法大槩以折茶
商及便邊民特以實錢算茶諮祖劉式之意使自就
山園買茶而官場坐收貼納之利行之三年而罷景
祐以後西邊事興始復行加擡法嘉祐四年一切弛
禁自此茶不爲民害者六七十載至蔡京始復權法
於是茶利自一錢以上皆歸京師
聖人歛山澤之貨以寬田疇之賦收關市之稅以助
什一之儲○壽昌習分銖之事弘羊析秋毫之數小

人爲能君子不忍爲也○弘僅建欽趾之刑桑羊畫
安邊之策衛覬張林踵陳其計此賁海之利也張滂
倡于正元王涯議于太和趙贊鄭注並沿其術此摘
山之稅也○自齊人賦鹽漢武權酒唐德宗稅茶民
之日用飲食而皆無遺算○言礬課則劉熙古深茶
禁則樊若水峻酒權則程能變鹽令則楊允恭山海
之入征權之算古禁之尚疏者皆密焉
夏禹青州之貢穆王安邑之觀漢煮海以糴饒唐置
官而兼領

王漢纂 卷之二十一
周詩記苦茶茗飲出近世春秋書齊茶漢志書茶陵
陸顏諸人雖已轉入茶音而未易字文也自陸羽茶
經盧仝茶歌趙贊茶禁以後遂易茶爲茶
爾雅注早采者爲茶晚取者爲茗一名薺釋文曰埤
蒼作檟○塌地刺茶之名三說貼射之法招商收稅
之令紛紛見于史冊

漕運

三代之前漕運之法不備禹貢州末繫河先
儒以爲運道至於青達濟揚達泗荆止於南

河○雍○止○於○西○河○此○正○裴○耀○卿○節○級○轉○輸○之○法○
先○王○賦○藏○天○下○自○都○達○境○周○禮○遺○人○凡○師○役○
掌○道○路○之○委○積○委○人○軍○旅○共○委○積○薪○芻○積○倉○
于○幽○峙○糧○于○申○會○蒐○之○備○取○于○衛○而○無○轉○輸○
之○勞○唯○職○內○待○邦○之○移○用○注○謂○轉○運○均○人○掌○
牛○馬○車○輦○力○政○注○以○爲○轉○委○積○之○屬○黍○苗○詩○
曰○我○任○我○輦○我○車○我○牛○箋○云○召○伯○營○謝○轉○餽○
之○役○廩○人○有○師○役○之○事○治○其○糧○食○注○有○行○道○
止○居○之○異○而○他○未○之○見○秦○輸○粟○于○晉○自○雍○

及絳日泛舟之役從渭水運入河汾吳城邦溝通江
 淮於邗江築城穿溝東北通射陽湖西北至
 末口入淮通糧道也齊師之出陳鄭共糧晉
 軍楚地食其館穀荀首如齊宣伯餽之晏子
 對齊景公謂師行而糧食勞者弗息蘇秦曰
 秦攻楚則韓絕其糧道張儀曰秦西有巴蜀
 方船積粟起於汶山循江而下至郢三千餘
 里舫江載卒一舫載五千人與三月之糧下
 水而浮一日行三百餘里○秦漢而下漕法

始詳秦章邯築甬道而輸粟趙充國奏大司
 農所轉穀至者足支萬人一歲食傾不虞之
 用以贍一隅後將軍征西羌張敞言隴西以
 北安定以西吏民並給轉輸田事頗廢永光
 二年秋馮奉世擊羌對善用兵者役不再興
 糧不三載往者再三發射曠日頗費于定國
 云前擊珠厓卒士轉輸費用三萬萬餘
 四素居士曰此邊塞屯田所由興也又曰馮
 奉世可稱最要之言

漢關中轉漕

武帝因文景之蓄忿胡粵之害卽位數年嚴助朱買臣等招徠東甌事兩粵江淮之間蕭然煩費矣治樓

船備糧食○淮南王諫伐閩唐蒙司馬相如始開西

越日不可以大船載食糧下南夷鑿山通道千餘里以廣巴蜀巴蜀之民罷焉如相

傳云郡多為發轉漕萬彭吳穿穢貊朝鮮置滄海郡

餘人擅為轉粟運輸則燕齊之間靡然發動及王恢設謀馬邑匈奴絕和

親侵擾北邊兵連而不解天下苦其勞行者齋居者

送其後衛青歲以數萬騎出擊匈奴逐河南北築朔

方時又通西南夷道作者數萬人千里負擔餽餉率

十餘鍾致一石轉漕甚遠自山東咸被其勞費數十

百鉅萬元狩四年大將軍驃騎擊胡步軍轉者踵軍

數十萬矣官多徒衆而下河漕度四百萬石及官自

糴乃足元封元年桑弘羊為治粟都尉領大農弘羊

置平準于京師山東漕益歲六百萬石一歲之中大

倉甘泉倉滿邊餘穀均輸帛五百萬疋民不益賦而

天下用饒古今轉漕之盛極於此矣

唐劉晏漕運

海集 卷之二十一 四

傳代宗擢晏領東都河南江淮轉運使時大兵後京
 師米斗千錢旬農接穗以輸晏自按行浮淮泗達汴
 入河右循底柱硤石觀三門遺跡至河陰鞏洛見宇
 文愷梁公堰廝河為通濟渠視李傑新隄盡得利病
 移書元載陳利害各四盡以漕事委晏故得盡其才
 歲輸始至天子大悅遣衛士以鼓吹迓東渭橋馳使
 勞曰卿朕鄴侯也凡歲致四十萬斛關中雖水旱物
 不翔貴晏以常平法豐則貴取饑則賤與率諸州米
 常儲三百萬斛初州縣取富人督漕輓晏始以官船

漕陳諫以為管蕭之亞贊言晏操天下贏貲佐軍興
 歛不及民而用度足唐中債而振晏有勞焉

府庫

周官有大府內外天玉泉府而無掌庫之官
 蓋府庫通言曲禮在府言府在庫言庫天有
 天庫藏府之星
軫南衆星曰天庫奎
 十六星天之武庫

商六府

曲禮天子之六府曰司土司木司水司草司器司貨
 典司六職注此殷時制也周則皆屬司徒司土土均

也○司木、山虞也○司水、川衡也○司草、稻人也○司器、角人也○司貨、卅人也○**大禹謨**六府水、火、金、木、土、穀

周九府

漢志太公為周立九府圖法注周官太府玉府內府

外府泉府天府職內職金職幣六府在太宰泉府地官天府春官職金秋

官

爾雅九府與漢書注異醫無閭之珣玕琪會稽之竹箭梁

山之犀象華山之金石霍山之珠玉崑崙之璆琳琅

卍幽都之筋角斥山之文皮岱岳之五穀魚鹽

丁日乾曰此說亦出淮南子太公九府以九府為九府者也此九府以天下之名山為九府者也然而此九府浮夸不若前九府切要

漢武庫

母將隆當哀帝時為執金吾上使中黃門發武庫兵

前後十輩送董賢及乳母王阿舍隆奏言武庫兵器

天下公用國家武備繕治造作皆度大司農錢大司

農錢自乘輿不以給共養勞賜一出少府別公私示

正路也京師有武庫掌於中尉又有若盧藏兵器考工室作器械以少府主之而武庫兵以大司

農錢為之古者諸侯方伯得顓征伐。廼賜斧鉞。漢家邊吏。職在距寇。亦賜武庫兵。皆任其事。然後蒙之。春秋之誼。家不藏甲。請收還武庫。

後天文志。奎主武庫兵。晉志。奎十六星。天之武庫。

李尤武庫銘。搏噬爪牙。鋒距之先。毒螫芒刺。矛矢以存。聖人垂象。五兵以陳。

漢委府

後百官志。餘均輸等皆省。注。鹽鐵論大夫曰。往者郡國各以物貢輸。往來煩雜。物多苦惡。故郡置輸官。曰

均輸。開委府于京師。以籠貨物。賤則買。貴則賣。是以縣官不失實。商賈無所利。曰平準。

晉武庫

五行志。元康五年。閏月庚寅。武庫火。張華疑有亂。先命固守。後救火。是以累代異寶。王莽頭。孔子履。漢高祖斷白蛇劍。及二百萬人器械。一時蕩盡。華見劍穿屋而飛。莫知所向。又曰。武帝太康五年。正月癸卯。龍二見於武庫井中。○孫盛謂武庫帝王威御之器。所寶藏。非龍所處。魏嘉平四年。五月。有二魚集於武庫。

王治纂 卷之二十一
屋上太康中鯉魚二見武庫屋上于寶以爲武庫兵
府魚有鱗甲亦兵類

唐左藏庫 右藏庫

六典左藏令掌庫藏之事左藏有東西庫朝堂庫又
有東都庫東都廟堂庫掌木雌契一與太府主簿合
之右藏令掌寶貨之事隋太府寺統右藏令丞皇朝
因之右藏有內外庫東都庫各木雌契一隻與太府
主簿合之太府卿諸州庸調折租等物送京者貯左
藏其雜送物並貯右藏

唐武庫

貞觀政要四年房玄齡奏今閱武庫甲仗勝隋日遠
矣太宗曰卿等存心治國務盡忠正使百姓安樂便
是朕之甲仗

倉庾

史記注胡公曰在邑曰倉在野曰庾漢志胃
爲天倉其南衆星曰詹積晉志天困十三星
在胃南爲倉廩之屬石氏星經天倉六星在
婁南倉穀所藏南四星天庾積厨粟之所天

困十三星主御糧

周鉅橋倉

漢張良傳武王發鉅橋之粟注服虔曰鉅橋倉名許

謹云鉅鹿之大橋有漕粟

詩楚茨我倉既盈我庾維億公劉乃積乃倉○豐

年亦有高廩○甫田魯孫之庾如坻如京

周廩人神倉見藉田

地官廩人下大夫掌九穀之數大祭祀則共其粢盛

注藉田之收藏於神倉者也

周御廩

春秋威公十四年八月壬申御廩災

左氏傳注御廩燕公所親耕以

奉粢盛之倉

○晉志天廩四星在昴南一曰天廕春秋所

謂御廩也

漢教倉

高帝紀二年五月屯滎陽與楚戰滎陽京索破之築

甬道屬河以取教倉粟史記酈生傳漢三年秋項

羽拔滎陽漢欲捐成臯以東屯鞏維酈生曰知天之

天者王事可成不知天之天者王事不可成王者以

民爲天民以食爲天夫敖倉天下轉輸久矣臣聞其
下乃有藏粟甚多楚人拔滎陽不堅守敖倉乃令適
卒分守成臯此乃天所以資漢也臣願急復進兵收
取滎陽據敖倉漢書作庾之粟塞成臯之險杜大行之道
距飛狐之口守白馬之津以示諸侯形制之勢則天
下知所歸矣

漢太倉

高帝紀七年二月蕭何治未央宮立太倉○食貨志
文景儉節至武帝之初漢興七十餘年間太倉之粟

陳陳相因充溢露積於外注貨殖傳倉氏庾氏是也

漢常平倉

食貨志宣帝卽位用吏多選賢良百姓安土歲數豐
穰穀至石五錢農人少利大司農中丞耿壽昌善爲
筭能商功利得幸於上五鳳中奏言故事歲漕關東
穀四百萬斛以給京師用卒六萬人宜糴三輔弘農
河東上黨大原穀足供京師可以省關東漕卒過半
又白增海租三倍天子從其計御史大夫蕭望之奏
故御史屬徐宮家在東萊言往年加海租魚不出長

老皆言武帝時縣官嘗自漁海魚不出後復予民魚
乃出夫陰陽之感物類相應萬事盡然壽昌欲盡糴
關內之穀築倉治船費直二萬萬餘有動衆之功恐
生旱氣民被其災壽昌習於商功分銖之事其深計
遠慮誠未足任宜且如故顏師古以望上不聽漕事
果便壽昌遂白令邊郡皆築倉以穀賤時增其價而
糴以利農穀貴時減價而糴以贍貧民名曰常平倉
民便之上乃下詔賜壽昌爵關內侯
漢規先具開邊糴以均輸唐務富藏籍關征而贍本

○成周之制縣都皆有委積以待凶荒而隋唐所謂
社倉者亦近古良法也今皆廢矣獨常平義倉尚有
古法之遺意然皆藏於州縣爲法太密吏視民之瘁
而不肯發累數十年不一嘗省不獲已發之已化爲
浮埃聚壤而不可食矣是倉也處於諸邑之里社主
於鄉曲之士君子斂散有經維持有要卽此鄉之粟
活此鄉之民脫遇阻饑朝取暮獲讀周禮旅師遺人
之官觀其頒斂之疏數委積之遠邇爲之制數甚詳
且密聖人旣竭心思繼之以不忍人之政其不可及

如此。會計。禹會計。史記禹會諸侯江南計功命曰會稽會計也。○張衡傳注吳越春秋曰禹登茅山大會計理國之道更名其山曰會稽。周司會歲會。月要。日成。土會。灋。禮。天官司會。中大夫二人。下大夫四人。上士八人。中士十六人。注計官之長。掌典法則書契版圖之貳聽

若今尚書。

其會計以參互攷日成。謂司書之要貳與職以月要。

攷月成以歲會攷歲成。○大司徒以土會之法辨五地物生。○小司徒歲終攷屬官之治成而誅賞。治事之計

令群吏正要會而致事。○易氏曰冢宰天官之長也。歲終受歲會而無月要之文。小宰天官之貳也。月終受月要而無日成之文。宰夫天官之攷也。旬終正日成而無參互之文。三官各舉其一而司會乃攷其全會之欲其詳也。

周九式。

玉海纂

卷之二十一

五

禮大宰以九式均節財用祭祀賓客喪荒羞服工事幣帛芻秣匪頒好用注式謂用財之節度○小宰執九式之貳以均財節邦用○司會以九式之法均節財用○司書掌九職九正九事以周知入出百物叙其財受其幣注九事謂九式鉤考財幣所給及其餘見爲之簿書疏九式言用財九事所爲之事其理一也○宰夫以式灋掌祭祀之戒具薦羞○酒正以式法受酒材以酒式誅賞○大府凡頒財以式灋授之注此九賦之凡式貢之餘財以共玩好之用注謂先財給九式者

給九式及弔用足府庫而有餘財乃可以共玩好○職幣以式法斂幣○職歲以式灋出財○掌皮以式灋頒皮革○委人以式法共祭祀之薪蒸木材注故事之多少也○廩人掌九穀之數以待國之匪頒賜稍食注賜謂王所賜予給好用之式○舍人以法掌其出入歲終會計其政○典婦功掌婦式之灋注法其用財舊數

漢受計

帝紀武帝元光五年八月詔吏民有明世務習聖術

王治纂 卷之二十一
者令與計偕。○宣帝黃龍元年二月詔曰：方今天下少事而民多貧盜賊不止其咎安在上計簿具文而已。御史察計簿疑非實者按之。○王成爲膠東相卒官後詔使丞相御史同郡國上計長吏守丞以政令得失或對言前膠東相成僞自增加以蒙顯賞。

漢郡國上計

北史蘇綽傳牧守令長非通六條及計帳者不得居官。

漢郡國錢穀簿

桓譚新論漢百姓賦斂一歲爲四十餘萬萬吏俸用其半餘二十萬萬藏於都內爲禁錢少府所領園地作務八十三萬萬以給宮室供養諸賞賜。

唐計帳

六典一歲一造計帳三年一造戶籍縣成於州州成於省戶部總而領焉武德六年三月令每歲一進帳三年一造籍。

通典按天寶中天下計帳戶約有八百九十餘萬計租稅庸調每歲錢粟絹綿布約得五千二百二十餘

萬端疋屯貫石諸色資課及勾剝所獲不在其中其
度支歲計粟則二千五百餘萬石布絹綿二千七百
餘萬錢二百餘萬自開元及天寶開拓邊境軍用日
增糴米粟三百四十萬匹段給衣則五百二十萬別
支計二百十萬餽軍百九十萬石大凡二千二百六
十萬而錫賚不與焉府藏雖豐閭閻困矣

理財

虞乘馬筴

管子威公問曰請問乘馬曰國無儲在令虞國得筴

乘馬之數矣公曰何謂管子曰百畝之夫子之筴率
二十七曰爲子之春事資子之幣春秋子穀大登國
穀之重去分謂農夫曰幣之在子者以爲穀而廩之
州里國穀之分在上國穀之重再十倍謂遠近之縣
里邑皆當奉器械備曰國無幣以穀準幣此有虞之
筴乘馬也

湯輕重筴

管子威公問曰地數可得聞乎管子曰地之東西二
萬八千里南北二萬六千里其出水者八千里受水

者八千里出銅之山四百六十七出鐵之山三千六百九此所以分壤植穀也戈矛之所發刀幣之所起也○能者有餘○拙者不足○封泰山○禪梁父者○七十二家○得失之數○皆在此內○是謂國用○昔有桀○霸有天下○而用不足○湯有七十里之薄○而用有餘○天非獨爲湯○雨菽粟而地非獨爲湯○出財物也○伊尹善通○移輕重○開闔決塞○通於高下○疾徐之筴○坐起之費時也○公曰○請問天財所出○地利所在○曰○山上有赭者○其下有鐵○上有鉛者○其下有銀○一曰○上有鉛者○其下有銑○銀○上有

丹沙者○其下有銑金○上有慈石者○其下有銅金○此山之見榮者也○

威公問管子曰○吾聞海內玉幣有七筴○可得而聞乎○對曰○陰山之礪磬○燕之紫山白金○朝鮮之文皮○汝漢水○右衢之黃金○江陽之珠○秦明山之曾青○禹氏邊山之玉○此謂以寡爲多○以狹爲廣○天下之數○盡於輕重矣○

之。五。出。附。以。寒。盛。參。以。辨。微。與。天。下。之。幾。盡。於。此。會。
 本。本。備。之。黃。金。以。期。之。寒。泰。即。山。之。會。青。黃。以。參。山。
 機。曰。劍。山。之。歸。神。辨。之。紫。山。白。金。博。論。之。文。史。之。
 與。公。開。書。子。曰。吾。聞。嶽。內。正。都。亦。子。與。有。轉。而。開。字。
 以。以。策。亦。也。地。可。行。在。曰。山。上。有。嶽。者。其。下。有。嶽。
 玉海纂卷之二十一終

玉海纂卷之二十一

浚儀王應麟伯厚甫輯

長山劉鴻訓青岳甫纂

弟鴻采松臯甫

男孔中藥生甫

編次

吳州後學

鄧漢儀孝威甫

陸舜玄升甫

較閱

兵捷

檄書

檄軍書也晉侯使呂相絕秦檄書始於此漢以後方有題

漢大將軍檄三秦

史記

兼荀悅漢紀

高祖元年夏四月漢王欲叛楚蕭何諫

曰收用巴蜀還定三秦雍章邯塞司馬欣翟董翳天下可圖也乃

就國拜韓信為大將軍信曰三秦王詐其眾降諸侯

項王坑秦降卒二十餘萬人唯邯欣翳三人得脫秦

人父兄怨此三人痛入骨髓大王入關秋毫無所取

除秦苛法無不欲得大王王秦者今舉兵而東三秦

可傳檄而定也漢王於是舉兵出陳倉

晉太尉檄蜀

袁豹為宋高祖太尉長史高祖遣益州刺史朱齡石

伐蜀豹為檄文曰失仁與義難與求安憑阻負豐鮮

克有成故成都○不世祀華陽無與國○葭爾譙縱同惡

相求○反噬州相毒害民黎俾我西服隔闕皇澤○今北

狄露晞南寇埃掃朝風載躋庶績其凝清江原於濫

觴澄氛稜於井絡誅叛柔遠○今也其時組甲貝冑景

燠波燭今三峽之隘在我境內非有岑彭荆門之險

漢書卷二十一

王治集 卷二十一
采入其阻。平衢四達。實無鄧艾綿竹之艱。山川之形。抑非曩日。攻守難易。居然百倍。當全蜀之強。士民之富。子陽不能自安於庸。樊劉禪不敢竄命於南中。荆邯折謀。伯約挫銳。故知成敗可數。非可智延。此皆益土前事。當今元龜也。盛如盧循。強如容超。凌威南海。跨制北岱。樓船萬艘。掩江蓋汜。鐵馬千羣。充原塞隰。然廣固之政。陸無全雉。右里之戰。水靡全舟。或顯戮京畿。或傳首萬里。故知逆順有勢。難以力抗。斯又目前殷鑒。深切著明者也。豈不遡誠南凱。延首東雲。普

天有來蘇之幸。而一方懷後予之怨。王者之師。以仁為本。捨逆取順。爰自三驅。齊斧所加。縱身而已。其有衿甲反接。自投軍門者。一無所問。如其迷復。姦邪守愚不改。火燎孟諸。芝艾同爛。河決金隄。淵丘同體。雖欲悔之。亦將何及。

唐移檄張士貴

張士貴傳。隋大業末。起為盜。攻剽城邑。高祖移檄招之。即降。

唐戶部侍郎平原太守河北招討採訪使移清

河等郡討安祿山檄

顏真卿傳為平原太守天寶十四載安祿山反河朔

盡陷獨平原城守具修使司兵參軍李平馳奏時平

原有靜塞兵三千益募兵得萬人大饗士城西門眾

感動時饒陽守盧全誠濟南守李隨清河王懷忠景

城司馬李暉鄴城守王燾各以眾歸有詔北海守賀

蘭進明為助從父兄杲卿為常山守斬賊將十七郡

同日自歸推真卿為盟主兵二十萬絕燕趙詔拜戶

部侍郎佐李光弼討賊十五載三月壬午加河北招

討採訪使清河太守使李萼乞師乃檄清河等郡遣

大將李擇交平原令范冬馥等與清河博平士五千

屯堂邑

唐鳳翔隴右節度使檢校尚書左僕射同中書

門下平章事充京西諸道行營都統傳天下藩

鎮檄

鄭畋傳廣明元年鎮鳳翔黃巢陷東都僖宗出梁洋

遷檢校左僕射西面行營都統中和元年通鑑三月

城四面諸軍都統奏辛酉為京與程宗楚秦仇公遇李孝昌

鄜拓拔思恭夏州約盟三月甲子。改傳檄天下藩鎮。合

兵討賊。具官移檄告諸藩鎮。郡縣侯伯牧守將吏曰。

夫屯亨有數。否泰相公。如日月之蔽虧。似陰陽之愆。

伏是以漢朝方盛。則莽卓肆其奸凶。夏道未衰。而羿

澆騁其殘酷。不無僭越。尋亦誅夷。妖孽之生。古今難

免。代有忠正之士。力為正復之謀。我國家應五運以

乘。乾躡三王之垂統。縣區飲化。西宇歸仁。十八帝之

鴻猷。銘於神鼎。三百年之睿澤。播在人謠。加以政尚

寬弘。刑無枉濫。翼翼勤行於王道。孜孜務卹於生靈。

足可傳寶祚於無窮。御瑤圖於不朽。近歲螟蝗作害。

早曠延災。因令無賴之徒。遽起亂常之暴。雖加討逐。

猶肆猖狂。草賊黃巢。奴僕下才。豺狼醜類。寒耕熟耨。

不膺力於田疇。媮食靡衣。務偷生於剽奪。結連凶黨。

驅迫平人。始擾害於里閭。遂侵陵於郡邑。屬以藩臣。

不武。戎士貪財。徒加討逐之名。竟作遷延之役。致令

滋蔓累有。邀求聖上。愛育情深。含弘道廣。指萬方而

罪已。用百姓以為心。假以節旄。委之藩鎮。冀其悛革。

免困疲羸。而殊無犬馬之誠。但恣蟲蛇之毒。虔劉我

征鎮覆沒我京都。凌辱我衣冠。屠殘我士庶。視人命。有同於草芥。謂大寶易取。如奕棋而乃竊據宮闈。僞稱名號。爛羊頭而拜爵。續狗尾以命官。燕巢幕以誇安。魚在鼎而猶戲。殊不知五侯。拗怒期分項羽之屍。四冢既成。待葬蚩尤之骨。猶復廣侵田宅。濫蓄貨財。比溪壑以難盈。類烏鳶而縱攫。茫茫赤縣。僅同夷貉之鄉。惴惴黔黎。若在狴牢之內。人神其怒。行路傷心。吹謬領藩垣。榮兼將相。每枕戈而待旦。常泣血以忘殮。誓與義士忠臣。共翦狐鳴狗盜。近承詔命。會合諸

軍。皇帝親御六師。卽離三蜀。霜戈萬隊。鐵馬千羣。雕虎嘯以風生。應龍驤而雲起。淮南高相公會關東。諸道百萬雄師。計以夏初。會於關內。吹與涇原節度使程宗楚。秦州節度使仇公遇等。已驅組練。大集關畿。爭麾隴上之蛇矛。待掃關中之蟻聚。而吐蕃党項。以久濡皇化。深憤國讐。願以沙漠之軍。共獻盪平之捷。此際華戎合勢。藩鎮連衡。旌旗煥爛於雲霞。劍戟晶熒於霜雪。莫不持繩待試。賈勇爭先。思垂竹帛之功。誓雪朝廷之恥。矧茲殘孽不足殄除。况諸道世受國

恩身糜好爵○皆貯興邦之略○咸傾致主之誠○自由洛
 造氛鑿輿避狄○莫不指銅駝而背裂○望玉壘以魂消○
 聞此勤王固宜投袂○更希憤激速殄寇讐○永圖社稷
 之勲以報君親之德○迎鑿反正豈不休哉○時天子在
 蜀詔令不通檄至遠近
 聳爭發兵應之

露布語

兵○義○者○王○逆○者○亡○要○當○觀○理○師○直○為○壯○曲○為○老○烏○可
 恃○疆○天○道○福○善○禍○淫○信○渠○凶○之○必○殄○君○子○赦○過○宥
 罪○宜○舊○染○之○惟○新○退○而○增○修○於○是○有○舞○干○之○義○論

以遷善於是有文告之辭若猶未悛乃用致討○皇
 天既付中國民撫千齡之興運庶邦迪知上帝命合
 衆志以歸仁○鼠牙敢意於崇墉螳臂何知於隆隧○
 ○大舜修德有苗歸心周穆徂征荒服不至○困獸
 雖思於猶鬪涸魚寧久於偷生○因爾剗戈之心乘
 我破竹之勢○弄潢池之兵諒非爾志烈崑岡之火○
 亦豈予心與其假息以偷生孰若轉禍而為禍○雖
 暫結於蜂屯卒莫逃於鯨戮自有宇宙至於今日未
 聞盜賊得以全軀○春秋大一統夫孰非邦域之中

帝王自有真。蓋早定君臣之分。蜀郡附於公孫幾。闔城之屠戮。河西歸於光武。致列郡以安。榮明效在前。於今可觀。昔吳芮效忠。世列長沙之壤。田橫亡命。身貽海島之羞。顧逆順之灼分。惟智愚之審擇。樂盈于紀。寧忘武子之勳。蕭延紹封。無察鄴侯之嗣。識暗挈餅。智慙衛足。積甲與山。齊永息煙塵之警。取印如斗。大益肩帶礪之盟。為劉氏左祖。飽聞思漢之忠。後湯后東。征必慰戴商之望。臣有召公。日惟百里之關。將皆南仲。月無三捷之虛。舉烈火。

以燎毛。飛嚴霜而脫葉。無禮於君。奮鷹鷂而驅鳥。雀有功。必賞誓帶礪。而保山河。冀馬追風。吳戈照月。審配歿於表氏。不如張郃歸曹。范增困於項王。未若陳平從漢。辱既亾而齒必寒。皮不存而毛安。傅。潞子離狄。而春秋書。徐夷朝周。而大雅詠。招。攜以禮。而懷以德。撫我則后。而虐則讐。雖以至仁。伐不仁。贊弔民之盛舉。然殺無道。就有道。豈為政之本心。蟻猶有君。鳥則擇木。遠者來。近者悅。同我。太平。撫則后。虐則讐。惟爾審擇。

魏晉宋齊梁陳為尚書五兵元魏為七兵隋唐方有
 兵部龍朔改司戎光宅改夏官天寶十一載改武部
 ○通典後魏攻戰克捷欲天下聞知乃書帛建於漆
 竿上名為露布自此始也

僭叛 盜賊

封狐萬里窳窳千羣○搏噬狎龐終吠豢牢之主
 虺○噴下駟欲馳歷塊之塗○罪逾羿浞虐播黎苗○楚
 人○是何多也歌空切於帳中漢兵其如予何席尚隨
 於斗柄○且擢髮以難窮宜然臍而不赦○豕不獷

牙蠹因搖尾○玉弩驚天金鉞照野○防維稍緩螻
 蟻潰隄鞭策或寬駑駘芟駕○虐甚三苗罔化姚虞
 之德罪踰有扈難逃夏啓之誅○囊血射天毒更逾
 於梟獍吹脣沸地眾競集於犬羊○在外曰姦舜典
 有理官之治負固不服周書行司馬之誅○天垂伏
 鼉野戰羣龍○禽獸飽而忘恩蠡蠹養而成毒敢孤
 亭育自絕生成○既緩前禽之戮未即後服之誅○
 若雞連棲作兔三窟○雖慕燕之帖危尚鼎魚之假
 息○日月其愒鬼神弗赦○苻澤之姦潢池之盜○

河有防而螳爲之決稼太盛而螟生其間○乘危蝟
起○怙險鳴張○昧洛書之畀姒同桀犬之吠堯○蚊
雷○聚響塘斧稱威

夷狄

控弦玉塞躍馬金山○候滿月而窺兵○乘折膠而縱鏑
○胡旌颺月朔馬騰風○隼質難羈狼心自野○苗
氏弗懷首懼虞竄質支自立終伏漢誅○益縱癸辛
之惡來窺戊巳之屯○詐搖尾以乞憐欲磨牙而恣
螫○鳥飛獸走草轉水移○畎澮下流不朝於海根

芟弱植自絕于天○相鼠無牙安能穿屋○羝羊羸角
徒欲觸藩

敘兵執

卽黑龍文常山蛇陳○飲冰受斧指日揚麾○山川
積雨盡消胡騎之塵○草木長風咸有王師之氣○雲
羅四合地道九攻○五部材雄三河俠少或生居燕
地○尤工卽墨之圍○或家本秦人蚤習昆明之戰○風
揚旌旆雨洗甲兵○蒙虎皮而直犯被鶴膝以爭馳
○太白入月星垂滅狄之祥○高鋒彗雲士倍禽胡之

氣○爲○鵝○爲○鶴○整○師○律○以○無○譁○如○熊○如○羆○肅○軍○容○而
 不○犯○箕○宿○馮○牙○狼○星○斂○角○戊○日○禱○馬○太○白○揚○睂○
 攘○狄○黃○龍○濟○師○蒼○兕○勵○八○神○於○金○匱○麾○三○軍○於○玉
 堂○由○犀○七○屬○浴○鐵○千○羣○翻○東○海○以○灌○螢○倒○崑○崙
 以○壓○蟻○鼓○洪○鑪○以○燎○毛○磨○蕭○斧○以○伐○菌○止○紂○七
 步○圍○項○三○重○中○權○後○勁○乘○鼓○儼○阻○隘○之○機○彼○竭○我
 盈○有○拉○朽○摧○枯○之○勢○秣○馬○宵○征○翦○敵○朝○食○五○營
 月○合○八○陣○雲○連○驚○漢○將○之○從○天○若○蜀○人○之○擊○地○
 滅○此○朝○食○無○以○家○爲○矛○驅○海○若○甲○洗○天○河○飛○鴉○

懷○我○好○音○急○鹿○鋌○而○走○險○於○鑠○王○師○恭○行○天○罰○
 一○征○自○葛○三○戶○亾○秦○式○遄○六○月○之○行○如○下○九○天○之
 上○變○疾○風○雨○謀○先○鬼○神○火○炎○立○見○燎○毛○雷○疾○寧
 容○掩○耳○卷○甲○晨○趨○潛○師○夜○起○誓○陟○羊○腸○之○險○寧
 辭○馬○革○之○勞○勢○如○雷○霆○功○在○漏○刻○必○將○嘗○膽○誓
 使○然○臍○

敘克捷

淮○壩○鶴○唳○楚○幕○烏○聲○臯○蘭○之○勝○細○柳○之○臨○漆○月
 氏○之○飲○器○焚○老○上○之○龍○庭○迅○雷○不○及○掩○耳○高○屋○之○

上建瓴生致渠魁邁李愬擒吳之迹盡平郭郭昭郅
支負漢之辜○箠食壺漿以迎莫非王土棄甲曳兵
而走罔敵我師○不煩卽墨之牛若駕昆陽之象○
王旅闕如虓虎靈旗指於天狼○過大峴不出知燕
虜之無足憂得敖倉以居識漢業之從此定○漢斬
質支第乘其無備唐擒頡利益得於已降猶足以揚
昆山之威遂至於澡渭水之恥若今丕績亘古絕倫
○戎容鷹奮絕紫塞而斷黃河腥旅蟬歸披青天而
覩白日○孟子言不嗜殺人梁焉能一高皇謂吾寧

鬪智項豈終強○亂甚有苗不待七旬之格勇如祖
莒真成一怒之安○命繫投學勢危破竹○采入其
阻克成厥功○知微知彰不俟終日有嚴有翼以奏
膚公○兵義者王師直爲壯○挂旆天山封泥函谷
○臨瀚海以浴兵登天山而縶馬○治兵丹浦獲醜
青丘○祁山歛霧瀚海息波○胄落魚門兵填馬窟
○乘其再鼓而衰使之隻輪無反○曰後后后来蘓
有不戰戰必勝○欲爲帝耳陣方布於蘄西其如予
何兵已臨於新室○春喉蔽野京觀起於中州積甲

三海集 卷二十一
成山組練收於外府○截風浪以息滄溟○澄氛埃而
覩白日○既春長狄之喉還葬防風之骨○靈旗西
指期顯行劉闢之誅○驛騎東馳忽報獲呂嘉之首○
切新都之舌用報仇讐然郗塢之臍以威姦慝○斷
匈奴臂飲月氏頭○共惟帝臣莫非王土○立漢赤
幟乘秦素車龜鼉就架於橋梁草木助成於兵衛○
烏聲之樂鶴唳之驚○建大將鼓旗士如垂橐而入
布天子詔令人爭扶杖而趨○偃月疏營浮雲寫陣
○積甲齊山封尸築觀○闕鞞之甲犀兕七重餘艘

之船舳艫千里○塞丹浦之遙源拔綠林之與本○

吳鉤楚練照耀陰山○冀馬燕犀張皇窮漠○

歸美

布昭湯武適駿文聲○天所助者順也○臣何力之有
焉○舜敷文德七旬舞于兩階周駕戎車一月至于
三捷○郤獻何力敢推羣帥之功○叔向有言實在明
君之德○王奮厥武彼烏敢當天謗其衷我得多筭
○役無再舉慶不一書○北辰居而星共大風起而
雲飛○武庫韜戈戎亭徹候百蠻奔走南踰銅鼓之

王○海○集○卷○二○十一
鄉○萬○里○謳○謠○西○出○玉○關○之○路○室○家○慶○商○后○之○來○蘇○
父○老○喜○漢○儀○之○復○見○一○成○祀○夏○方○圖○宗○廟○之○安○三○
戶○亡○秦○胥○慰○人○神○之○望○歌○狸○首○而○息○射○詠○杖○杜○以○
勞○師○鋪○淮○濱○執○醜○虜○已○觀○因○壘○之○降○伐○獾○狁○奏○膚○
公○佇○見○犁○庭○之○舉○告○清○廟○以○獻○俘○卽○正○藁○街○之○僇○
坐○明○堂○而○受○計○盡○還○葱○嶺○之○圖○有○常○德○立○武○事○以○
成○功○告○神○明○表○西○郊○之○道○示○無○萬○里○之○行○舉○外○廷○
之○觴○更○上○億○年○之○壽○罷○七○旬○之○干○羽○收○六○月○之○車○
徒○不○以○賊○遺○君○父○已○殄○凶○殘○凡○克○敵○示○子○孫○毋○忘○

勲○伐○百○蠻○成○冠○帶○之○鄉○五○兵○爲○耒○耜○之○器○臨○斬○
戎○王○將○置○藁○街○之○下○提○封○漢○境○願○窮○葱○嶺○之○西○至○
誠○感○神○苗○民○於○焉○格○舜○常○德○立○武○徐○土○所○以○歸○周○
圖○上○金○城○之○略○生○入○玉○門○之○關○聞○俎○豆○未○學○軍○旅○
之○事○聽○鼓○鞞○則○思○將○帥○之○臣○天○保○以○上○采○薇○以○下○
治○具○畢○張○濮○鈞○于○北○祝○栗○于○南○王○猶○允○塞○天○道○先○
德○而○後○刑○王○師○有○征○而○無○戰○武○先○七○德○守○在○四○夷○
○取○若○拾○遺○役○無○再○舉○襲○冠○帶○而○要○衣○裳○戢○干○戈○
而○櫜○弓○矢○天○無○二○日○土○無○二○王○田○有○一○成○衆○有○一○

旅○文武之道未墜於地○陵律之罪上通於天○

獻功

左傳凡諸侯有四夷之功○則獻于王○王以警于夷○蠻夷戎狄不式王命○王命伐之○則有獻捷○王親受而勞之○

紀功

克敵必示子孫○以無忘武功○穆天子傳天子五日觀于春山之上○乃為名○疏於垂圃之上○以詔後世○
注勒石銘
天子升于弁山○乃紀其跡于弁山之石○
日西王母之山

心彫龍周穆紀

○秦嶧山刻石

大事記云刻石始於此○後漢郡國志魯

國注有驪山之石

瑯邪臺刻石

日古之帝者地不過千里猶刻金石以自紀愚

按此秦以前

之罘刻石會稽刻石

○魯林鍾銘功晉

景鍾銘勲

漢封狼居胥山

霍去病傳元狩三年秋匈奴入在北平定襄殺略漢

千餘人四年春上令大將軍青驃騎將軍去病各五

萬騎步兵轉者踵軍數十萬而收力戰深入之士皆

屬去病始為出定襄當單于捕虜言單于東廼更令

去病出代郡令青及四將軍出定襄青至幕北見單于兵陳而待於是青令武剛車自環為營衛而縱五十騎往當匈奴匈奴亦縱萬騎會日且入大風起漢兵縱左右翼圍單于自度戰不能與漢兵遂獨與壯騎數百潰漢圍西北道走漢兵夜追之匈奴兵散走會明行二百餘里不得單于頗捕斬首虜萬餘級遂至冥顏山趙信城而還青之入塞凡斬首虜萬九千級去病騎兵車重與大將軍等而亡裨將悉以李敢等為大校當裨將出代右北平二千餘里直左方兵

所斬捕功多於青既皆還上曰驃騎將軍去病率師

躬將所獲葷允之士葷音熏葷允熏鬻也約輕齎絕大幕涉獲

單于章渠單于臣也以誅北車耆王號也轉擊左大將雙獲

旗鼓歷度難侯名山濟弓盧水名獲屯頭王韓王等三人

匈奴將軍相國當戶都尉八十三人封狼居胥山禪

於姑衍登臨翰海張晏曰登海邊山以望海也有大功故增山而廣之也如淳曰翰海

北海名也師古曰積土增執訊獲醜七萬四百四十

三級師率減什二取食於敵軍行殊遠而糧不絕以

五千八百戶益封驃騎將軍武紀元狩四年夏武帝

卽位之二去病與左賢王戰斬獲首虜七萬餘級封
十四載
狼居胥山迺還注師古曰登山祭天築土為封刻石
紀事以彰漢功

箭下聊城泥封函谷○戈船汎月○劍騎橫霜○涉龜
沙薄烏壘○班馬蕭蕭歸旌奕奕○

玉海纂卷之二十一終

玉海纂卷之二十二

浚儀王應麟伯厚甫輯

長山劉鴻訓青岳甫纂

弟鴻采松臯甫

男孔中藥生甫

編次

吳州後學

鄧漢儀孝威甫
陸舜玄升甫

較閱

祥瑞

宋符瑞志云夫體睿窮幾○含靈獨秀謂之聖

人所以能君四海而役萬物使動植之類莫不各得其所自中智以降則萬物之為役者也易曰河出圖洛出書聖人則之符瑞之義大矣

天瑞

日月

尸子少昊邑於窮桑日五色互照○禮斗威儀政太平則日五色○春秋元命包代殷者姬昌日衣青光堯日月如合璧

宋志帝堯在位七十年景星出翼鳳凰在庭日月如合璧五星如連珠朱草生嘉禾秀甘露潤醴泉出厨中自生肉其薄如箠搖動則風生名曰箠脯草夾階而生名曰蕤莢

漢日再中

日中有王字

志文帝十七年新垣平言候日再中居頃之日卻復中於是更為元年令天下大酺○易辨終論日再中

烏連嬉仁聖出握知時○帝王世紀又望氣經文帝時日

中有王字○春秋緯君應陽君臣和得道度則日合

王字

漢日宜重光

兒寬傳元封元年從登封泰山兒寬上壽曰癸亥宗

祀日宜重光注李奇曰太平之世日抱重光謂日有

重日也

郊祀歌月穆穆以金波日華耀以宣明

唐日重輪月重輪

開元十三年十一月禪社首五色雲見日重輪十八

年六月甲申沁州奏月揚光五色張說月重輪頌

月之重輪示我金鏡璧采內徹環規外映○韋展日

月如合璧賦珥作如虹之氣波為旁達之華○李嶠

賀日抱戴表樞紐薦符勾芒錫壽○黃雲抱日輔臣

納忠援神契

景德日有五色雲

淳熙七年正月甲寅輔臣奏前月二十八日日有戴

氣太史奏君德至於天為萬民愛戴則有是瑞是日

乃便殿議蠲稅之時○韓琦家傳天聖五年初臨軒

試進士公名在第二太史奏日下五色雲見左右從

官賀殿上

祥符日月重輪

祥符元年十月辛亥封禪日重輪三年閏二月壬子

翰林天文邢中和言正旦至二月終日珥赤黃者十

七青赤者九冠氣八承氣六戴氣五日有黃色二五

色雲見一背氣三占曰國家有大慶之兆願進賢恤

刑治兵經武其間背氣宜謹邊防上嘉之四年二月

祠后土月重輪天禧三年十一月己巳月重輪

淳化五年十二月戊寅朔日當蝕陰雲蔽之群臣賀

賀日不蝕蓋始於此

附

黃帝景星

宋志黃帝有景雲之瑞有赤方氣與青方氣相連赤

方中有兩星青方中有一星凡三星皆黃色以天清

明時見於攝提名曰景星○符瑞圖景星大星也狀

如半月生於晦朔助月為明○爾雅四氣和為景星

○援神契德至八表則景星見

堯舜景星

中候堯時天下和景星出翼軫○世紀舜景星見房

文選任彦升曰五老遊河飛星入昴注論語比考識

仲尼曰吾聞帝堯率舜登首山觀於河有五老遊於

河渚一老曰河圖將來告帝期二老曰告帝謀三老

曰告帝圖四老曰河圖將來告帝符五老曰河圖推

龍銜玉繩歌訖五老為流星飛入昴

文王五星聚房

禮太宗伯疏二十八宿隨天左轉為經五星右旋為

緯案元命包云文王之時五星聚房金陵驗異錄

五星聚有三周將伐殷聚房齊威將伯聚箕漢高入

秦聚東井周漢以王齊以伯晉中興垂象記武王

伐紂五星聚房漢祖入秦亦聚東井所謂先天弗違

漢五星聚東井

高紀元年冬十月五星聚於東井沛公至霸上注如

淳曰張蒼傳云高祖十月至霸上故以十月為歲首

應劭曰東井秦分野五星所在其下當有聖人以義

取天下張耳傳甘公曰漢王之入關五星聚東井

東井秦分也先至必王楚雖疆後必屬漢

老人星見

隋志老人一星在弧南一曰南極常以秋分之旦見於丙春分之夕沒於丁見則化平主壽昌
郝昂老人星賦書玉牒以垂範紀緗圖而播芬

瑞露

堯甘露

中候堯卽政七十載甘露潤澤○拾遺記堯以寶露賜羣臣

呂氏春秋伊尹曰水之美者三危甘露

注三危者西極國也

之美者揭雩之露揭雩之露其色紫○瑞應圖仁瑞

之澤其凝如脂一名膏露一名天酒○列星圖天乳

一星在氏北主甘露明潤則降

漢五色露

洞冥記東方朔遊吉雲之地漢武帝問曰何名吉雲

曰其國裕常以雲氣占吉凶若吉樂之事則滿室雲氣五色照著於草木皆成五色露露味甘朔得元黃青露盛之璃器以授帝帝遍賜臣

漢未央宮甘露

宣紀元康元年三月詔曰鳳凰集泰山陳畱甘露降

未央宮其赦天下賜吏爵民帛

北齊邢子才頌流甘委素玉潤氷鮮蜜房下結珠琲

上連布濩林野灑散旌旃○盧思道表神漿可挹流

味九戶之前天洒自零凝照三階之下○褚洵頌降

液丹墀飛津綺殿○天地合而凝津陰陽和而灑潤

○軒丘領瑞漢史紀年○金莖膏液之滋玉燭氣和

之應○清涵別殿之芝寒警中天之鶴

乾德甘露

乾德四年荆南進甘露作甘露曲曰其甘如醴其凝

如珠

太平興國甘露圖

太平興國三年三月己丑壽州言甘露降官舍後園

檜木畫圖以聞九年三月丙子甘露降太乙宮祠庭

栢木雍熙二年四月庚子夜甘露降後園花木之上

景德祥符甘露

至道三年真宗即位五月戊辰河南府言甘露降嵩

陽書院景德三年十二月戊戌榮州言甘露降祥符

九年十一月五日賜玉清昭應宮甘露歌曰名神漿

稱天酒考祥圖兮嘉應之首降仁壽零未央觀舊史
今太寧之祥

瑞雲

黃帝景雲

左傳 郊子曰黃帝以雲紀注有雲瑞以雲紀事服虔
云黃帝受命得景雲之瑞史記黃帝紀合符釜山
索隱曰洞冥記東方朔云東海大明之墟有釜山山
出瑞雲應王者符命如堯有赤雲之祥黃帝有黃雲
之瑞故曰合符應於釜山

舜卿雲

尚書大傳 舜時俊乂百工相和而歌卿雲帝倡之曰
卿雲爛兮糺縵縵兮日月光華且復且兮八伯咸進
稽首曰明明上天爛然星陳日月光華弘於一人帝
乃載歌曰日月有常星辰有行四時從經百姓允誠

周青雲浮洛

禮斗威儀 周成王治平觀於河青雲浮於河○中候
成王觀於洛河沈璧禮畢退俟日昧榮光並出幕河
青雲浮洛

唐慶雲

唐常袞慶雲賀表曰從風蕭索抱日縈迴色涵流渚
之虹影雜繞樞之電○黃帝因之以紀事虞舜由之
而作歌○抱日依龍袞非烟近御爐○紫來漢殿白
入殷房

太平興國五色雲

唐正元壬午歲有五色雲見長安太史張璇曰在宋
分後一百六十年有聖人興其地至天成丁亥太祖
生洛陽

瑞雪

周大雪

金匱曰武王伐紂都洛邑未成大雪深丈餘甲子旦

五車兩騎止王門之外欲謁武王王使師尚父謝賓

尚父曰五車兩騎四海之神與河伯兩師耳使謁者

各以名召之五神皆驚神曰天伐殷立周謹來受命

○詩采薇雨雪霏霏信南山上天同雲雨雪雰雰注

豐年之冬必有積雪箋成王之時陰陽和風雨時冬

有積雪春而益之以小雨

唐賀雪

常袞表天人合應。雨雪呈祥。太素混成。浩然萬里。甲子之瑞。載表昌期。春秋所書。亦先農事。重陰益固。應水澤腹堅之時。積潤潛通。迎土膏脉起之候。○**權德輿**表膚寸興雲。盈尺呈瑞。光連萬頃。慶在千箱。雨

神農時雨

尸子神農氏治天下。欲雨則雨。五日為行。雨旬為穀。雨旬五日為時雨。正四時之制。萬物咸利。故謂之神。

○淮南子湯以身禱桑林。而四海之雲湊千里之雨。至。

神光

堯榮光出河

尚書中候堯帝即位七十載。修壇河洛。仲月辛日。禮備。至於日稷。榮光出河。龍馬銜甲。赤文綠色。臨壇吐甲。甲所以有列星之分。斗政之度。帝堯錄紀之數。又

云帝堯之明。榮光出河。休氣四塞。

神策

黃帝神策

史記冕侯問於鬼臾區對曰黃帝寶鼎神策是歲
巳酉朔旦冬至得天之紀終而復始於是黃帝迎日
推策後率二十歲復朔旦冬至凡二十推三百八十
年黃帝仙登於天
搜神記舜耕歷山得玉曆於河際之巖舜知天命在
躬體道不倦○河圖天帝以寶文大字賜禹

周丹書

疏洛誥注云文王得赤雀武王俯取白魚皆我應云

季秋之月甲子赤雀銜丹書入豐拜稽首受易類謀
云文王受赤雀丹書二十九年時赤雀銜丹書而命
之春

毓聖符瑞

青虹繞神母生伏羲拾遺記○神龍感女登生炎帝長

於姜水世紀○大電光繞北斗樞星感附寶二十五日

生黃帝於壽丘世紀○大星如虹流下華渚女節意感

生白帝朱宣少昊氏○瑤光貫月正白感女樞生顓帝

於若水首戴干戈○慶都感赤龍十四月而生堯於

丹陵○握登感大虹生舜於姚墟○脩巳吞神珠意
苾生禹○扶都見白氣貫月感而以乙日生湯○堯
翼星○舜斗星○湯虛星○文王房星之精○堯赤精○舜黃
禹白湯黑○文王蒼○玄鳥祚商○赤光啓漢○九龍浴
聖○五緯聯光○烈山神井南頓嘉禾○樞紐薦符勾
芒錫壽○尚想河清之色○如聞里社之聲

地瑞

繫辭○河出圖○洛出書○聖人則之○**疏**春秋緯云○河以通
乾○出天苞○洛以流坤○吐地符○河龍圖發○洛龜書感○河

圖有九篇○洛書有六篇○孔安國以爲八卦九疇○又禮
緯合文嘉曰○伏犧德合上下○天應以鳥獸文章○地應
以河圖洛書○則而象之○乃作八卦○**古三墳**伏羲氏
皇策辭曰○惟天至仁○於草生月○天雨降河○龍馬負圖○
神開我心○**隋潘徽**云○龍筴授河○龜威出洛○緣綈白
檢○述助華之運○金繩玉字○表殷夏之符○係圖書

殷山溢銀

史封禪書○殷得金德○銀自山溢○

文王河圖

易乾鑿度今入天元二百七十五萬九千二百八十

歲昌以伯受命注受洛書命入戊午部二十九年代

崇侯作靈臺改正朔布王號天下受錄應河圖注受命後

五年乃為此

禹赤珪 東海玉珪

開山圖曰禹開宛委山得赤珪如日碧珪如月長一

尺二寸又曰禹遊東海得玉珪碧色長一尺二寸

圓如明月以自照

瑞穀

禮含文嘉神農就田作耨天應以嘉穀○拾遺記炎

帝教民耒耜百穀滋阜神芝發其色靈苗擢嘉穎朱

草蔓於階卿雲藹於巖○瑞應圖神農時雀銜九穗

朱禾墜地夏時嘉禾二本同秀殷時嘉禾同本異秀

其大盈車○帝王世紀堯時嘉禾藥於畝詩含神霧曰堯時嘉

禾莖三十五穗

周嘉禾

書序唐叔得禾異畝同穎獻諸天子王命唐叔歸周

公於東作歸禾周公既得命禾旅天子之命作嘉禾

漢書引書逸嘉禾篇曰○**白虎通**成王時有二苗異

畝而生同為一穗大幾盈車長幾充箱民有得而上

之者成王訪周公而問之公曰三苗為一穗天下當

和為一乎果有越裳氏重譯而來獻白雉

其大周黃鬻

選班固典引姬有素雉朱鳥元秬黃鬻之事君臣動

色左右相趣亦有寵靈文武貽燕後昆注韓詩外傳

貽我嘉鬻○**詩**臣工於皇來牟將受厥明箋云赤鳥

以牟麥俱來○思文貽我來牟帝命率育箋火流為

鳥五至以穀俱來○**劉向傳**諸侯和於下天應報於

上故周頌曰降福穰穰又曰貽我釐粦釐粦麥也始

自天降此皆以和致和獲天助也○甫田曾孫之稼

如茨如梁曾孫之庾如坻如京乃求千斯倉乃求萬

斯箱黍稷稻粱農夫之慶○良耜黍稷茂止獲之挫

挫積之栗栗其崇如墉其比如櫛

平露

白虎通王者使賢不肖位不相踰官位則平露生庭

狀如蓋政平則平不平則傾一名平慮

漢華平

文選

東京賦植華平於春圃薛綜注華平瑞木也天

下平其華則平有不平處其華則向其方傾李善曰

孝經授神契曰德至於地則華平盛○梁簡文南郊

頌紫脫神草華平瑞芝

堯蕙莆

宋志蕙莆狀如蓬大枝葉小根根如絲轉而成風殺

蠅堯時生於厨又曰厨中自生肉其薄如蕙搖動則

風生食物寒而不臭名箠脯

堯莫莢

選王融曲水詩序佞枝植曆草莢注田依子曰堯為

天子莫莢生於庭為帝成曆黃帝時有草生於庭階

若佞人入朝則草指之名曰屈軼是以佞人不敢進

尚書帝命驗曰舜受命莫莢莖

周莫莢

周頌正義中候撻維戒云曰若稽古周公旦欽惟皇

天順踐祚即攝七年鸞鳳見莫莢生青龍銜甲元龜

背書

芝草

庾肩吾芝草詩、黃金九華發、紫蓋六英通。○王維詩、日玉殿生三秀、銅池出五雲。○崔融賀乾元殿芝草、云、瑤光發辰象之精、金色吐陰陽之秀、煌煌三秀分、藻井而攢柯、曄曄九光間、梅梁而吐葉。

龍

帝王世紀、太昊有景龍之瑞、故以龍紀官。○張衡賦、龍圖受義、龜書界姒。

黃帝龍負圖

舜黃龍負圖

河圖黃龍負圖授黃帝。○舜即位、黃龍五采負圖、以黃玉為柙、玉榆金繩、芝為泥。○宋志、黃龍四龍之長、德至淵泉、則黃龍遊於

堯龍圖

舜設壇於河、至於下昊、榮光休氣、至黃龍負圖、長十二尺、廣九尺、出於壇畔、赤文綠錯、其文言當禪禹。○元命苞、堯遊河渚、赤龍負圖、以出圖、赤如綈。

禹二龍

吳越春秋、禹會諸侯於塗山、執玉帛者萬國、濟河黃

龍負舟舟中人懼禹仰天嘆曰吾受命於天竭力而勞萬民何憂於龍焉視龍猶蜿蜒顏色不變龍俛首低尾而逝

周青龍銜圖

宋志周公旦與成王觀於河洛沈璧禮畢王退俟至於日昧榮光並出幕河青雲浮至青龍臨壇銜元甲之圖禮於洛亦如之

麟

馬融廣成頌宿麒麟於西園注尚書中候曰黃帝時

麒麟在囿○終軍傳獲白麟一角而五蹄

湯白狼銜鈞

宋志湯有神牽白狼銜鈞而入商廟○白狼宣王得之而犬戎服

蔡邕麟頌曰皇哉大角降生靈獸視明禮脩麒麟來孚○穆天子傳甲辰天子獵於滂澤得白狐玄貉以祭於河宗

漢騶虞

司馬相如傳囿騶虞之珍群般般之獸樂我君囿白

質黑章其儀可喜收收穆穆君子之態○周禮疏異
義韓魯說騶虞天子掌鳥獸官

黃帝澤馬

淮南子黃帝治天下飛黃服皂高誘曰飛黃如狐背
上有角乘之壽三千歲

周吉皇乘

說文馬赤鬣縞身目若黃金名曰馮吉皇之乘周文
王時犬戎獻之○山海經大封國有文馬縞身朱鬣
名曰吉良乘之壽千歲○躡紅雲而噴玉霑赤汗以

攢花○溢鏡光於金勒流雪采於花驄耀成華夏奪

魄獠戎○名超茲白瑞掩飛黃走險鹿駭望雲龍驥

○書載歸禾詩詠鳴鳳芝房寶鼎升於樂府神雀甘

露標爲年紀○羲有出河之圖黃有置壇之符堯有

赤文之籙舜有昭文之瑄禹有元龜之書湯有白狼

之鉤文有銜珪之異武有躍魚之祥皆疇德而瑞聖

也○翔舞太和涵濡茂澤○赤文綠字候日舒華龍

檢芝泥浮河絢采○天無蘊寶地有呈祥○鉤陳

微星緯咸若崑崙渤澥濤波不驚○龜負綈檢麟銜

斗樞滴露飛甘卿雲呈絢○四神踐雪五老飛星○
 丹甌呈豐器車表德○海氣蒙晏河光吐榮○煙雲
 蕭索而紛郁日月光華而淑清○黃銀掞彩紫玉摘
 英○芝房寶鼎之歌歲登清廟沒羽浮琛
 日旅
 彤庭○握天鏡受河圖○

玉海纂卷之二十二終

玉海纂跋

不子中懷思昧昧蚤未有知其於各山大
 業聰明眇如所嗟寥落然少奉先大人過
 庭之教在耳感心手口之澤森紛如見蓋
 言與淚長可堪更僕已且子而知父不敢
 亦不能顧童觀所窺秋豪有之敢不敬陳
 先大人標格以供子職告霄壤也先大人

形聲淵肅業與道隨繇其籍閭版以逮系
木天中間食米廩館明湖坐醴泉課天孫
則固斯文已任卽後授詞林稱史氏直起
居知制誥分較禮闈備位宮僚眷除詹貳
首膺枚卜擬簡銀青每暇退食輒以一編
自隨手不釋卷而樂此忘疲先大人有之
矣迄奉使朝鮮中經海患亦左圖右書之

不輟其四方不辱之誼固得之該國主臣
間至日晉箕封淹雅相與譚菀賦詩皇華
哀集其吞噏古今肆應風雅洵何等矣它
若棲遲於長白林麓間蒼頭捧版輿黃冠
唱漁父雖事親養志而耆古力學瘁過橋
門及受璫摧而踏雪千里短宇摩娑開東
園築茆塢農圃吾生吟賞無倦人固知吾

王海集 跋 二
先大人有噴唾風雲泮渙優游之樂顧亦
念其表徽章絕拳拳焉憂古學之不傳而
羽翼經世諸書爲力孔多也時先大人入
春明晉諭德旋聞先王父之變讀禮還山
哀毀之餘惟親緇帙因悉發古今書讀之
以傳其所未傳而定其所已傳損之又損
以精益精將代嬪爲永古不刊之業則尤

盡于浚儀玉海之一編是編悉絀小言獨
取弘鉅自天地志文以迄明堂法物諸典
制標舉祇此數大條而爲古今帝王車書
禮樂經國無弊之全書故先大人幼學壯
行長而有述史事出其中專對出其中經
筵出其中相業出其中蓋誠不知是書之
非先大人先大人之非是書矣第篇目鉅

要而節取浩繁或義疊文支或章零句碎
盈尺之帙八九中繩之義二三十七史書
讀從何處俾學者頭目眩亂綱舉而目不
張寧少少許勝多多許爾肆先大人嚴其
裁剪讐呂丹黃思欲纂成一家之書公爲
萬春之業蓋數十年精神之所賞而二三
年膏血之所枯也已而欽簡元輔此書一

閣于官已而欽謫雁門此書再閣于戍流
離顛播筆翰飄零雖嫺較讐茫茫未緒而
先大人已奄然賓逝痛哉中也不孝終制
三年日夕捧先人遺書跪而哭讀謂先大
人于是書蚤年口澤存中年手澤存晚年
不克卒業而僅口澤手澤之氣存也父沒
而不能讀父之書已矣迺復不獲襄政以

王汝纂
四
終先人之志事乎然力微時棘竟殫筭笥
不孝也已及後亂離相踵播越爲難孝水
白山渺在天際淪落建業薄宦吳州未嘗
不引領吾東泣瞻墟墓然兵火餘燹不惜
田園荒蕪而懼是書之煨塵紙屑也蓋以
吾先大人形神雖不屬其魂魄當未嘗一
日不負是書也則是書之有無存失爲何

如哉而不廩廩思也因急索之故園笥中
徑得牽方載冊而至且畧無散落比之古
人千金購遺之樂倍可知矣因謀授梓乃
與鄧子孝威陸子玄升繕寫編輯之其去
取鉛槧一仍當日之舊蓋不敢異亦不能
贅一辭也丁亥仲夏書始越秋孟冬書成
不孝男孔中謹跋

年季果亦中道
 賢不漸也下之物夏春欲殊殊孟冬書
 取途陳一以當日之書蓋不效與亦不
 與極于季與趨于末長餘富餘轉之其
 入千金難數之樂奇可快矣因精妙辨
 野將率大謙無而至且畧無精審其
 賦特而不氣氣思也因急索以好圖



